

摘藻堂四庫全書薈要

史部

欽定四庫全書叢要

史部  
前集卷二十二

詳校官主事銜臣徐以坤



欽定四庫全書薈要卷三千七百三十八

史部

前漢書卷二十二

漢 蘭 臺 令 史班 固撰

唐正議大夫行祕書少監琅邪縣開國子顏師古注

禮樂志第二

六經之道同歸而禮樂之用爲急

師古曰六經謂易詩書春秋禮樂也

治

身者斯須忘禮則暴慢人之矣

師古曰斯須猶須臾

爲國者一朝

失禮則荒亂及之矣人由天地陰陽之氣有喜怒哀樂

之情

師古曰函包容也讀與舍同它皆類此

天稟其性而不能節也

師古曰稟

謂給授也

聖人能爲之節而不能絕也故象天地而制禮樂

所以通神明立人倫

師古曰倫理也

正情性節萬事者也人性

有男女之情妬忌之別爲制婚姻之禮有交接長幼之

序爲制鄉飲之禮有哀死思遠之情爲制喪祭之禮有

尊尊敬上之心爲制朝覲之禮哀有哭踊之節樂有歌

舞之容

師古曰踊跳也哀甚則踊

正人足以副其誠邪人足以防其

失

師古曰副稱也

故婚姻之禮廢則夫婦之道苦而淫辟之罪

多孟康曰苦音監夫婦之行監不固也鄉飲之禮廢則

師古曰苦惡也不當假借辟讀曰僻

長幼之序亂而爭鬪之獄蕃

師古曰蕃亦多也音扶元反他皆類此

喪祭

之禮廢則骨肉之恩薄而背死忘先者衆

師古曰先者先人謂祖考

○宋祁曰祖考下添也字

朝聘之禮廢則君臣之位失而侵陵之漸

起故孔子曰安上治民莫善於禮移風易俗莫善於樂

師古曰此孝經載孔子之言也善古善字

禮節民心樂和民聲政以行之刑

以防之禮樂政刑四達而不諄則王道備矣

師古曰諄乖也音布

內樂以治內而爲同

李奇曰同於和樂也

禮以修外而爲異

李奇曰尊

卑爲異也

同則和親異則畏敬和親則無怨畏敬則不爭揖

讓而天下治者禮樂之謂也二者竝行合爲一體畏敬

之意難見則著之於享獻辭受登降跪拜

師古曰見謂彰顯也

和

親之說難形則發之於詩歌詠言鐘石筦弦

師古曰說讀曰悅形

亦見也筦字與管同

蓋嘉其敬意而不及其財賄美其歡心而不

流其聲音

師古曰流移也心不移溢於音聲也

故孔子曰禮云禮云玉帛

云乎哉樂云樂云鐘鼓云乎哉

師古曰論語載孔子之言也謂禮以節人爲貴

樂以和人爲本玉帛鐘鼓乃其末也○宋祁曰其末下當添事字

此禮樂之本也故曰

知禮樂之情者能作識禮樂之文者能述作者之謂聖

述者之謂明明聖者述作之謂也

師古曰作謂有所興造也述謂明辨其義

而循行也○宋祁曰景德本循行作修行

王者必因前王之禮順時施宜有所損益即民之心稍

稍制作

師古曰即就也

至太平而大備周監於二代禮文尤具

師古曰監觀也二代夏殷也言周觀夏殷之禮而增損之也

事爲之制曲爲之防

師古

曰言每事立制委曲防閑也

故稱禮經三百威儀三千於是教化浹

洽

師古曰浹徹也洽霑也浹音子牒反

民用和睦災害不生禍亂不作罔

圜空虛四十餘年

應劭曰圜周獄名也師古曰圜獄也周守也故總言圜周無繫於周周

音來丁反周音牛呂反

孔子美之曰郁郁乎文哉吾從周

師古曰論語載

孔子之言也郁郁文章貌

及其衰也諸侯踰越法度惡禮制之害已

去其篇籍遭秦滅學遂以亂亡漢興撥亂反正日不暇

給

師古曰撥去亂俗而還之於正道也給足也言事務殷多日日修造尚不能足故無暇也

猶命叔

孫通制禮儀以正君臣之位高祖說而歎曰

師古曰說讀曰悅

吾乃今日知爲天子之貴也以通爲奉常遂定儀法

師古

曰奉常即太常也解在百官公卿表

未盡備而通終至文帝時賈誼以爲



漢承秦之敗俗廢禮義捐廉恥今其甚者殺父兄盜者

取廟器而大臣特以簿書不報期會爲故

師古曰特但也簿文簿也

故謂大事也言公卿但以文案簿書報答爲事也簿音步戶反

至於風俗流溢恬而不

怪

師古曰恬安也謂心以爲安

以爲是適然耳

師古曰言正當如此非失道也

夫移

風易俗使天下回心而鄉道

師古曰鄉讀曰嚮

類非俗吏之所

能爲也夫立君臣等上下使綱紀有序六親和睦

如淳曰六

親賈誼書以爲父也子也從父昆弟也從祖昆弟也曾祖昆弟也族昆弟也

此非天之所爲

人之所設也人之所設不爲不立不修則壞

師古曰爲作也

漢

興至今二十餘年宜定制制度興禮樂然後諸侯軌道百

姓素樸獄訟衰息

師古曰軌道言遵道猶車行之依軌轍也

廼草具其儀

師古

曰草謂創立其事也他皆類此

天子說焉

師古曰說讀曰悅

而大臣絳灌之屬

害之故其議遂寢

師古曰舊說以為絳謂絳侯周勃也灌謂灌嬰也而楚漢春秋高祖之臣

別有絳灌疑昧之文不可明也此既言大臣則當謂周勃灌嬰也

至武帝卽位進用英

雋議立明堂制禮服以興太平

師古曰服謂衣服之色也

會竇太后

好黃老言不說儒術

師古曰說讀曰悅

其事又廢後董仲舒對

策言王者欲有所爲宜求其端於天天道大者在於陰

陽陽爲德陰爲刑天使陽常居大夏而以生育長養爲  
事陰常居大冬而積於空虛不用之處以此見天之任  
德不任刑也陽出布施於上而主歲功陰入伏藏於下  
而時出佐陽陽不得陰之助亦不能獨成歲功王者承  
天意以從事故務德教而省刑罰刑罰不可任以治世  
猶陰之不可任以成歲也今廢先王之德教獨用執法  
之吏治民而欲德化被四海故難成也是故古之王者  
莫不以教化爲大務立大學以教於國設庠序以化於

邑

師古曰庠序行禮養老之處也

教化以明習俗以成天下嘗無一人

之獄矣至周末世大爲無道以失天下秦繼其後又益

甚之自古以來未嘗以亂濟亂大敗天下如秦者也

師古

曰濟益也

習俗薄惡民人抵冒

師古曰抵忤也冒犯也言無廉恥不畏懼也抵音丁禮反

今漢繼秦之後雖欲治之無可奈何法出而姦生令下而詐起一歲之獄以萬千數如以湯止沸沸愈甚而無

益

師古曰俞進也音踰又音愈它皆類此

辟之琴瑟

師古曰辟讀曰譬

不調甚者

必解而更張之迺可鼓也爲政而不行甚者必變而更

化之廼可理也故漢得天下以來常欲善治而至今不能勝殘去殺者失之當更化而不能更化也古人有言臨淵羨魚不如歸而結網今臨政而願治七十餘歲矣不如退而更化更化則可善治而災害日去福祿日來矣是時上方征討四夷銳志武功

師古曰銳利也言一意進求若兵力之銳

利不暇留意禮文之事至宣帝時琅邪王吉爲諫大夫

又上疏言欲治之主不世出

師古曰言時時而一出難常遇也

公卿幸

得遭遇其時未有建萬世之長策舉明主於三代之隆

者也其務在於簿書斷獄聽訟而已此非太平之基也

今俗吏所以牧民者非有禮義科指可世世通行者也

以意穿鑿各取一切師古曰苟順一時非正道是以詐偽萌生刑罰

無極質樸日消恩愛寢薄師古曰寢古浸字浸漸也孔子曰安上治

民莫善於禮非空言也願與大臣延及儒生述舊禮明

王制驅一世之民躋之仁壽之域師古曰言以仁道治之皆得其性則壽考

也域則俗何以不若成康壽何以不若高宗師古曰成康周之二

界也王太平之時也高宗殷王武丁也有德上可尊故曰高宗享國五十九年故云壽不納其言吉

以病去至成帝時犍爲郡於水濱得古磬十六枚

師古曰濱

水涯也音賓

議者以爲善祥劉向因是說上宜興辟雍設庠

序陳禮樂隆雅頌之聲盛揖攘之容

師古曰攘古讓字

以風化

天下如此而不治者未之有也或曰不能具禮

師古曰或曰者

劉向設爲難者之言而後答釋也

禮以養人爲本如有過差是過而養

人也

師古曰過差猶失錯也

刑罰之過或至死傷今之刑非臯陶

之法也而有司請定法削則削筆則筆

服虔曰言隨君意也師古曰削

者謂有所刪去以刀削簡牘也筆者謂有所增益以筆就而書也

救時務也至於禮樂

則曰不敢是敢於殺人不敢於養人也爲其俎豆筦弦之間小不備因是絕而不爲是去小不備而就大不備大不備或莫甚焉

師古曰大不備者事之虧失莫甚於此

夫教化之比於

刑法刑法輕是舍所重而急所輕也

師古曰舍廢也

且教化所

恃以爲治也刑法所以助治也今廢所恃而獨立其所

助非所以致太平也自京師有諄逆不順之子孫

師古曰諄

乖也音布內反

至於陷大辟受刑戮者不絕繇不習五常之道

也

師古曰繇與由同五常仁義禮智信人性所常行之也○宋祁曰宋本無之字邵本有之

夫承千



歲之衰周繼暴秦之餘敝民漸漬惡俗貪饕險詖不閑

義理

師古曰貪甚曰饕言行險曰詖饕音吐高反詖音彼義反

不示以大化而獨毆

以刑罰終已不改

師古曰毆與驅同

故曰導之以禮樂而民和

睦

師古曰孝經載孔子之言也

初叔孫通將制定禮儀見非於齊魯

之士然卒爲漢儒宗業垂後嗣斯成法也成帝以向言

下公卿議會向病卒丞相大司空奏請立辟廱案行長

安城南

師古曰行音下更反

營表未作遭成帝崩羣臣引以定諡

孟康曰諡法曰安民立政曰成帝欲立辟廱未就而崩羣臣議諡引爲美謂之成

及王莽爲宰

衡欲燿衆庶遂興辟廱因以篡位海內畔之世祖受命

中興撥亂反正

師古曰謂後漢光武帝也

改定京師于土中

師古曰謂都洛

陽

卽位三十年四夷賓服百姓家給政教清明

師古曰給足也

言家家皆足

廼營立明堂辟廱顯宗卽位

李奇曰明帝曰顯宗

躬行其

禮宗祀光武皇帝于明堂養三老五更於辟廱

李奇曰王者父

事三老兄事五更詩云三壽作朋鄧展曰漢直以一公爲三老用大夫爲五更每當大行禮乃置師古曰鄭玄說云三老五更謂老人更知三德五事者也更音工衡反蔡邕以爲更當爲叟叟老人之稱也威儀既

盛美矣然德化未流洽者禮樂未具羣下無所誦說而

庠序尚未設之故也孔子曰辟如爲山未成一簣止吾

止也

師古曰論語載孔子之言匱者織草爲器所以盛土也言爲山欲成尚少一匱之土止而不爲則其

功終已不就如斯之人吾所不能教喻也辟讀曰譬

今叔孫通所撰禮儀與律令

同錄臧於理官

師古曰古書懷藏之字本皆作臧漢書例爲臧耳理官卽法官也

法家

又復不傳

○劉攽曰法家當屬上句

漢典寢而不著民臣莫有言者

師古曰

寢息也又通沒之後河間獻王采禮樂古事稍稍增輯

至五百餘篇

師古曰輯與集同

今學者不能昭見但推士禮以

及天子說義又頗謬異故君臣長幼交接之道寢以不

章

師古曰  
寢漸也

樂者聖人之所樂也而可以善民心其感人深其移風

易俗易

師古曰易音弋鼓反○宋祁曰邵本於感人深上無其字

故先王著其教焉

師古曰  
著明也

夫民有血氣心知之性而無哀樂喜怒之常應

感而動然後心術形焉

師古曰言人之性感物則動也術道徑也心術心之所由也形

見是以纖微癢痺

一作衰

之音作而民思憂

師古曰癢痺謂減縮也音

子笑反○劉攽曰樂聲無  
癢痺當依禮讀爲噍殺

闡諧謔易之音作而民康樂

師古曰闡廣也諧和也謔易  
言不急刻也易音弋鼓反

麤厲猛奮之音作而民剛

殺

師古曰麤厲抗厲也猛奮發揚也麤古作麤字○宋祁曰姚本改古作作字若云麤古麤字非是

廉

直正誠之音作而民肅敬寬裕和順之音作而民慈愛

師古曰裕饒也

流辟邪散之音作而民淫亂先王恥其亂也

師古

曰辟讀曰辟

故制雅頌之聲本之情性稽之度數制之禮儀

師古曰稽考也

合生氣之和導五常之行

師古曰生氣陰陽之氣也導引也

使

之陽而不散陰而不集

師古曰集謂聚滯也

剛氣不怒柔氣不懼

師古曰懼恐也音之涉反

四暢交於中而發作於外

師古曰暢通達也

皆安

其位而不相奪也

○宋祁曰景本舊無也字

足以感動人之善心而

不使邪氣得接焉

○宋祁曰善心而當作善心也

是先王立樂之方也

王者未作樂之時因先王之樂以教化百姓說樂其俗

師古曰說樂其俗使和說而安樂也說讀曰悅樂音來各反

然後改作以章功德易

曰先王以作樂崇德殷薦之上帝以配祖考

師古曰此豫卦象辭

也殷盛大也上帝天也言王者作樂崇表其德大薦於天而以祖考配饗之也

昔黃帝作咸池

顓頊作六莖帝嚳作五英

師古曰嚳音酷

堯作大章舜作招

師古

曰招讀曰韶下皆類此

禹作夏湯作濩

師古曰濩音護

武王作武周公作

勺勺言能勺先祖之道也

師古曰勺讀曰酌酌取也

武言以功定天

下也。漢言救民也。夏大承二帝也。

師古曰：夏大也。二帝謂堯舜也。

招繼

堯也。

師古曰：韶之言紹。故曰繼堯也。

大章章之也。

師古曰：章明也。

五英英華茂

也。

○宋祁曰：邵本英華無華字。

六莖及根莖也。

師古曰：澤及下也。

咸池備矣。

師古曰：咸皆也。池言其

包容浸潤也。故云備矣。

自夏以往其流不可聞已。

師古曰：言

歌頌皆亡也。

殷頌猶有存者。

師古曰：謂正考甫所得那以下是。

周詩既

備。

師古曰：謂雅頌皆得其所。

而其器用張陳周官具焉。

師古曰：謂大司樂以下諸

官所掌。

典者自卿大夫師瞽以下皆選有道德之人。

師古曰：師

樂工瞽

朝夕習業以教國子。國子者卿大夫之子弟也。

無目者。

皆學歌九德

師古曰水火金木土穀謂之六府正德利用厚生謂之三事六府三事謂之九功九

功之德皆可歌也故言九德也

誦六詩

應劭曰六詩者詩有六義一曰風二曰賦三曰比四曰興五曰

雅六曰頌

習六舞五聲八音之和

師古曰六舞謂帔舞羽舞聖舞旋舞干舞人舞也五

聲宮商角徵羽也八音金石絲竹匏土革木帔音弗聖音皇

故帝舜命夔曰女典樂

教胄子

師古曰虞書舜典所載也夔舜臣名胄子即國子也

直而溫

師古曰正直溫和也

而栗

師古曰寬大而敬栗

剛而無虐

師古曰剛毅而不害虐也

簡而無敎

師古曰簡

約而無敎慢也敎讀曰傲○宋祁曰簡約而無敎慢也無字當作不字

詩言志歌咏言

師古

曰咏古詠字也在心為志發言為詩咏永也永長也歌所以長言之

聲依咏律和聲

師古曰依



助也五聲所以助歌也六律所以和聲也

八音克諧

師古曰諧亦和也自此以上皆帝舜之言

此

之謂也又以外賞諸侯德盛而教尊者其威儀足以充

目音聲足以動耳詩語足以感心故聞其音而德和省

其詩而志正

師古曰省視也

論其數而法立是以薦之郊廟則

鬼神饗作之朝廷則羣臣和立之學官則萬民協聽者

無不虛已竦神說而承流

師古曰竦敬也說讀曰悅

是以海內徧知

上德被服其風

師古曰被音皮義反言蒙其風化若被而服之

光輝日新化上

遷善而不知所以然至於萬物不夭天地順而嘉應降

故詩曰鐘鼓鏜鏜磬管鏘鏘降福穰穰

師古曰詩周頌執競之詩也鏜

鏜和也鏘鏘盛也穰穰多也言周王祭祖考之廟奏樂而八音和盛則神降之福至多也鏜音皇穰音人羊反

書云擊石拊石百獸率舞

師古曰虞書舜典也石謂磬也言樂之和諧也至於擊拊

磬石則百獸相率而舞也○宋祁曰和諧也應刪去也字

鳥獸且猶感應而況於人

乎況於鬼神乎故樂者聖人之所以感天地通神明安

萬民成性類者也然自雅頌之興而所承衰亂之音猶

在

師古曰言若周時尚有殷紂之餘聲

是謂淫過凶嫚之聲爲設禁焉世

衰民散小人乘君子

師古曰來陵也

心耳淺薄則邪勝正故書

序殷紂斷棄先祖之樂廼作淫聲用變亂正聲以說婦

人

師古曰今文周書泰誓之辭也說讀曰悅

樂官師瞽抱其器而犇散或適

諸侯或入河海

師古曰犇古奔字論語云太師擊適齊亞飯干適楚三飯繚適蔡四飯缺適秦

鼓方叔入於河播鼗武入於漢少師陽擊磬襄入于海此志所云及古今人表所叙皆謂是也云諸侯者追繫其地非爲當時已有國名而說論語者乃以爲魯哀公時禮壞樂崩樂人皆去斯亦未允也夫六經殘缺學者異師文義競馳各守所見而馬鄭羣儒皆在班揚之後向歆博學又居王杜之前校其是非不可偏據其漢書所引經文與近代儒家往往乖別旣自成義指卽就而通之庶免守株以申賢達之義非苟越異理固然也它皆類此○宋祁曰文義競馳姚本作文義舛駁○劉敞曰顏云追繫其地是謂周以前未有齊楚秦蔡也不亦

乎謬夫樂本情性浹肌膚而臧骨髓雖經乎千載其遺風

餘烈尚猶不絕至春秋時陳公子完犇齊

師古曰完陳厲公子卽敬

仲也莊二十二年遇難出奔齊也

陳舜之後招樂存焉故孔子適齊聞

韶三月不知肉味曰不圖爲樂之至於斯美之甚也

師古

曰事見論語

周道始缺怨刺之詩起王澤旣竭而詩不能作

王官失業雅頌相錯

師古曰錯雜也

孔子論而定之故曰吾自

衛反魯然後樂正雅頌各得其所

師古曰事亦見論語

是時周室

大壞諸侯恣行設兩觀乘大路

應邵曰觀闕門邊兩觀也禮諸侯一觀大路天

子之陪臣管仲季氏之屬

師古曰陪重也諸侯者天子之臣故其臣稱重臣也季氏

魯桓公子季友之後專執國政而奢僭也

三歸雍徹八佾舞廷

師古曰三歸取三姓女也

婦人謂嫁曰歸故曰三歸蓋謂管仲耳雍樂詩也徹饌奏之八佾八列之舞皆僭天子禮也此謂季氏耳

制

度遂壞陵夷而不反

師古曰陵夷漸頽替也解在成帝紀及諸侯王表

桑間濮

上鄭衛宋趙之聲竝出

應劭曰桑間衛地濮上濮水之上皆好新聲師古曰鄭衛宋趙

諸國亦皆有淫聲

內則致疾損壽外則亂政傷民巧僞因而飾

之以營亂富貴之耳目

師古曰營猶回繞也

庶人以求利列國以

相間

師古曰間音居覓反

故秦穆遺戎而由余去

應劭曰戎西戎也由余其賢臣

也秦欲兼之遺以女樂由

齊人謁魯而孔子行

師古曰謁亦饋

余諫而不聽遂去入秦

字論語云齊人謁女樂季桓

至於六國魏文侯最爲好

子受之三日不朝孔子行也

古

師古曰魏文侯本晉大夫畢萬之後僭諸侯者

而謂子夏曰寡人聽古樂則

欲寐及聞鄭衛余不知倦焉子夏辭而辨之終不見納

師古曰事見

自此禮樂喪矣漢興樂家有制氏

服虔曰魯人也

禮之樂記

善樂事也○宋

祁曰當刪也字

以雅樂聲律世世在太樂官但能紀其

鏗鎗鼓舞而不能言其義

師古曰鏗鎗金石之聲也鏗音立耕反鎗音初庚反其下

亦高祖時叔孫通因秦樂人制宗廟樂大祝迎神于廟

門奏嘉至

李奇曰嘉善也善神之至也

猶古降神之樂也皇帝入廟

門奏永至以爲行步之節猶古采薺肆夏也

劉德曰歌樂在逸詩

師古曰薺音才私反禮經或作蕢又作茨音竝同耳

乾豆上奏登歌

師古曰乾豆脯羞之屬

獨上歌不以莞弦亂人聲欲在位者徧聞之猶古清廟

之歌也登歌再終下奏休成之樂

服虔曰叔孫通所奏作也

美神明

既饗也皇帝就酒東廂坐定奏永安之樂美禮已成也

又有房中祠樂高祖唐山夫人所作也

服虔曰高帝姬也韋昭曰唐山

姓也○宋祁曰又有當刪又字

周有房中樂

○宋祁曰周上有曰字

至秦名曰壽

人凡樂樂其所生禮不忘本高祖樂楚聲故房中樂楚聲也孝惠二年使樂府令夏侯寬備其簫管更名曰安世樂高祖廟奏武德文始五行之舞孝文廟奏昭德文始四時五行之舞孝武廟奏盛德文始四時五行之舞武德舞者高祖四年作以象天下樂已行武以除亂也文始舞者曰本舜招舞也高祖六年更名曰文始以示不相襲也五行舞者本周舞也秦始皇二十六年更名曰五行也四時舞者孝文所作以明示天下之安和也



○宋祁曰邵本以明示無明字

蓋樂已所自作明有制也

師古曰言自制作也

樂

先王之樂明有法也

師古曰遵前代之法

孝景采武德舞以爲昭

德以尊太宗廟至孝宣采昭德舞爲盛德以尊世宗廟

諸帝廟皆常奏文始四時五行舞云高祖六年又作昭

容樂禮容樂昭容者猶古之昭夏也主出武德舞

蘇林曰言

昭容樂生於武德舞○劉奉世曰予謂主出者此舞出則主奏之故下文云出用樂者言舞不失節能以樂終

也禮容者主出文始五行舞舞入無樂者將至至尊之

前不敢以樂也出用樂者言舞不失節能以樂終也大

氏皆因秦舊事焉

師古曰氏歸也音丁禮反其後字或作抵音義並同

初高祖既

定天下過沛與故人父老相樂醉酒歡哀作風起之詩

令沛中僮兒百二十人習而歌之至孝惠時以沛宮爲

原廟

師古曰原重也言已有正廟更重立也

皆令歌兒習吹以相和常以

百二十人爲員文景之間禮官肄業而已

師古曰肄習也音弋二反

至武帝定郊祀之禮祠太一於甘泉就乾位也

師古曰言在京

師之西北也

祭后土於汾陰澤中方丘也

師古曰汾水之旁土特堆起是澤中

方丘也祭地以方象地形

乃立樂府

師古曰始置之也樂府之名蓋起於此哀帝時罷之

采詩

夜誦

師古曰宋詩依古道人徇路宋取百姓謳謠以知政教得失也夜誦者其言辭或秘不可宣露故於

夜中歌誦也○宋祁曰歌誦下當添之字

有趙代秦楚之謳以李延年爲協

律都尉多舉司馬相如等數十人造爲詩賦略論律呂

以合八音之調作十九章之歌以正月上辛用事甘泉

園丘

師古曰用上辛用周禮郊天日也辛者齋戒自新之義也爲園丘者取象天形也

使童男

女七十人俱歌昏祠至明夜常有神光如流星止集于

祠壇天子自竹宮而望拜

韋昭曰以竹爲宮天子居中華昭曰漢舊儀云竹宮去壇

三里百官侍祠者數百人皆肅然動心焉

安世房中歌十七章其詩曰

○劉敞曰按此言房中歌十七章推尋文理不見十

七章疑本十二章誤爲十七章也此言房中歌十七章今分別之大孝備矣一章八句七始華始一章十句我定歷數一章八句王侯東德一章七句其鄰翼翼鄰謂近臣也海內有姦一章八句大海蕩蕩水所歸高賢愉民所懷依注當有蕩蕩愉愉字大海蕩蕩一章六句安其所一章六句豐草萋萋一章八句雷震震一章十句桂華一章十句桂華馮馮翼翼此桂華前章之名也古詩皆有章名今此獨兩章存美芳一章八句磬磬卽卽一章八句嘉薦芳矣一章八句皇皇鴻明一章六句浚則師德一章四句孔容之常一章八句承帝明德一章八句

大孝備矣休德昭清高張四縣樂克宮廷

晉灼曰四縣樂四縣也天

子宮縣師古曰謂設宮縣而高張之縣古懸字

芬樹羽林雲景杳冥

師古曰言所樹羽葆

其盛若林芬然衆多仰視  
高遠如雲日之杳冥也

金支秀華庶旄翠旌

張宴曰金支百

二十支秀華中主有華豔也旄鍾之旌也文穎曰析羽  
爲旌翠羽爲之也臣瓚曰樂上衆飾有流遡羽葆以黃  
金爲支其首數散若草木之秀華也師古曰金支秀華  
瓚說是也庶衆也庶旄翠旌謂析五采羽注翠旄之首  
而爲旌耳

七始華始肅倡和聲

孟康曰七始天地四時人之始華始萬物英華之始也以爲樂名如

六英也師古曰肅敬也言  
歌者敬而唱諧和之聲

神來宴娛庶幾是聽

師古曰娛戲也

言庶幾神來宴戲聽  
此樂也娛音許其反

粥粥音送細魚人情

晉灼曰粥粥敬懼貌也細

微也以樂送神微感人情使之  
齊肅也師古曰粥音弋六反

忽來青玄熙事備成

師古

曰言還神禮畢忽登青天而去  
福熙之事皆備成也熙與禧同

清思𦔻𦔻經緯冥冥

蘇林

曰𦔻音窈師古曰𦔻𦔻幽  
靜也經緯謂經緯天地

我定歷數人告其心

師古曰言臣下各竭其心致誠慤也

敕身齊戒施教

申申

應劭曰敕謹敬之貌  
師古曰齊讀曰齋

乃立祖廟敬明尊親大矣孝

熙四極爰臻

爾雅曰熙亦福也四極四方極遠之處也  
爾雅曰東至於泰遠西至於邠國南至於

濮鉛北至於祝栗謂之四極  
邠音彬縣字與臻同

王侯秉德其鄰翼翼

師古曰鄰言德不孤必  
有鄰也翼翼恭敬也

顯明昭式

清明鬯矣皇帝孝德

師古曰鬯古  
暢字暢通也

竟全大功撫安四極

海內有姦紛亂東北

師古曰謂匈奴

詔撫成師武臣承德

師古曰成

師言各置部校師出以律也春秋左氏傳曰成師以出

行樂交逆簫勻羣慝

晉灼曰簫

舜樂也勻周樂也言以樂征伐也師古曰言制定新樂教化流行則逆亂之徒盡交歡也慝惡也勻讀曰酌○劉敞曰予謂逆迎也樂音洛言師行而和樂遠邇皆迎也

肅爲濟哉蓋定燕國

師古曰勻

奴服從則燕國安靜無寇難也

大海蕩蕩水所歸高賢愉愉民所懷

李奇曰愉愉懌也師古曰蕩蕩廣大

貌也愉愉和樂貌也懷思也言海以廣大之故衆水歸之王者有和樂之德則人皆思附也

大山崔

百卉殖民何貴貴有德

師古曰言大山以崔嵬之故能生養百卉明君以崇高其德故

爲萬姓所尊也

崔音才回反

安其所樂終產

師古曰萬物各安其所而樂終其產也

樂終產世繼緒

師古

曰言傳

飛龍秋游上天

蘇林曰秋飛貌也師古曰莊子有秋駕之法者亦言駕馬騰驤

祚無窮

秋秋然也揚雄賦曰秋秋蹒蹒入西園其義亦同讀者不曉秋義或改此秋字爲秣稷之秣失之遠矣

高

賢愉樂民人

師古曰言王者有愉樂之德故使衆人皆安樂

豐草萋女羅施

孟康曰萋者四月秀萋之萋盛貌也應劭曰女羅兔絲也延于松柏之上異類

而猶載之況同姓言族親不可不覆遇也

善何如誰能回

師古曰回亂也言至德之善上古帝

皇皆不如之

大莫大成教德長莫長被無極

師古曰被音皮義反



次下  
亦同

雷震震電耀耀明德鄉治本約

服虔曰與臣民之約師古曰鄉方也言王者之

威取象雷電明示德義之方

治本約澤弘大

師古曰政教有常則

而治政本之約約讀曰要

思惠加被寵咸相保

師古曰言德政所加人被寵渥則室家老幼皆相保也

德施

大世曼壽

師古曰曼延也

都荔遂芳窈窕桂華

蘇林曰窈音窈窕之窈窕音窕下之窕孟康曰窈出窕入都良薜荔

之香鼓動桂華也晉灼曰桂華似殿名次下言桂華馮

馮翼翼承天之則言樹此香草以絜齊其芳氣乃達於

宮殿也臣瓚曰茂陵中書歌都嬈桂英美芳鼓行如此

復不得為殿名師古曰諸家說皆未盡也此言都良薜

荔俱有芬芳桂華之形容寂然也皆謂神宮所有耳  
容音一交反寂音一瓜反○宋祁曰諸家下添之字孝

奏天儀若日月光

師古曰言以孝道進承於天天神下降故有光○宋祁曰有光下添也字

乘玄四龍回馳北行羽旄殷盛芬哉芒芒

師古曰芬亦謂衆多芒芒

廣遠之貌

孝道隨世我署文章

師古曰署猶分部也一曰表也

桂華馮馮翼翼承天之則

師古曰馮馮盛滿也翼翼衆貌也

吾易久遠

燭明四極

晉灼曰易疆易也久固也武帝自言拓境廣遠安固也師古曰此說非也久猶長也自言

疆易遠大耳非武帝時也不得云拓境

慈惠所愛美若休德

師古曰若順也休亦美也

杳杳冥冥克綽永福

師古曰綽緩也亦謂延長也

美芳磴磴卽卽師象山則

孟康曰磴磴崇積也卽卽充實也師衆也則法也積實之

盛衆類如山也師古曰磴音五回反○劉奉世曰桂華

美芳皆二詩章名本側注在前篇之末傳寫之誤遂以

寇後後詞無美芳

嗚呼孝哉案撫戎國蠻夷竭歡象來

亦當作美若矣

致福

李奇曰象譯也蠻夷遣譯致福貢也

兼臨是愛終無兵革

師古曰兼臨言在上

位者普

包容也

嘉薦芳矣告靈饗矣告靈旣饗德音孔臧

師古曰饗字合韻皆音鄉

孔甚也

惟德之臧建侯之常承保天休令聞不忘

師古曰建

臧善也

侯封建諸侯也易屯卦曰利

建侯休美也令善也問名也

皇皇鴻明蕩侯休德

服虔曰侯惟也臣瓚曰天下蕩平惟帝之休德

嘉承天和

伊樂厥福

師古曰伊是也

在樂不荒惟民之則

師古曰則法也

浚則師德下民咸殖令聞在舊孔容翼翼

師古曰浚深也師衆也則

法也殖生也舊久也翼翼敬也言有深法衆德故能生育羣黎久有善名其容甚敬也

孔容之常承帝之明

師古曰帝謂天也下皆類此

下民之樂子孫保

光

師古曰言永保其光寵也

承順溫良受帝之光嘉薦令芳壽考不

忘

師古曰不忘言長久也

承帝明德師象山則

師古曰衆象山而爲法言不騫不崩

雲施稱民永受

厥福

師古曰言稱物平施其澤如雲也稱音尺孕反

承容之常承帝之明下民

安樂受福無疆

師古曰疆竟也下皆類此

郊祀歌十九章其詩曰

練時日侯有望

師古曰練選也

煇管蕭延四方

李奇曰管腸間脂也蕭香蒿也

師古曰以蕭煇脂合馨香也四方四方之神也管音來彫反煇音人說反

九重開靈之旂

師古

曰天有九重言皆開門而來降厥福

垂惠恩鴻祐休

師古曰鴻大也祐福也休美也祐音恬

靈之車結玄雲駕飛龍羽旄紛

師古曰紛紛言其多

靈之下若風

馬

師古曰言速疾也

左倉龍右白虎

師古曰以爲衛

靈之來神哉沛

師古

曰沛疾貌  
音補蓋反

先以雨般裔裔

師古曰先以雨言神欲行令雨先驅也般讀與班同班布

也裔裔飛  
流之貌

靈之至慶陰陰

師古曰言垂陰覆徧於下

相放悲震澹心

師古曰放悲猶髣髴也澹動也  
放音防悲音弗澹音大濫反

靈已坐五音飭

師古曰飭讀與

教字同  
謂整也

虞至旦承靈億

師古曰虞樂也億安也

牲繭栗染盛香尊

桂酒賓八鄉

應劭曰桂酒切桂置酒中也晉灼曰尊大尊也元帝時大宰丞李元記云以水漬桂

爲大尊酒師古曰繭栗言角之小如繭及栗之形也八鄉八方之神

靈安留吟青黃

服虔曰吟

音舍師古曰服說非也吟謂歌誦也青黃謂四時之樂也

徧觀此眺瑤堂

應劭曰眺望也瑤石

而似玉者也師古曰以瑤飾堂瑤音遙

衆嫔竝綽奇麗

孟康曰嫔音互嫔好也如淳曰嫔美

目貌晉灼曰嫫音圻嫫之嫫師古曰孟說是也謂供神女樂竝好麗也

顏如茶兆逐靡

應劭

曰茶野菅白華也言此奇麗白如茶也孟康曰兆逐靡者兆民逐觀而綺靡也師古曰菅茅也言美女顏貌如

茅茶之柔也茶者今俗所謂蕭錐也

被華文厠霧縠曳

茶音塗管音姦靡合韻音武義反

阿錫佩珠玉

如淳曰阿細縉錫細布也師古曰厠雜也霧縠言其輕細若雲霧也

俠嘉夜

茝蘭芳

如淳曰佳俠皆美人之稱也嘉夜芳草也師古曰俠與挾同言懷挾芳草也茝卽今白芷茝音

昌改

澹容與獻嘉觴

師古曰澹安也容與言閑舒也澹音大濫反

反

練時日一

帝臨中壇四方承宇

師古曰言天神尊者來降中壇四方之神各承四字也壇字或作禮

讀亦曰壇字加示者神靈之

耳下言紫壇嘉壇其義竝同

繩繩意變備得其所

應劭曰繩

繩謹敬更正意也孟康曰衆多也臣瓚

曰爾雅繩繩戒也師古曰瓚說是也

清和六合制數

以五

張晏曰此五土之歌也土數五

海內安寧興文偃武

師古曰偃古偃字

后

土富媪昭明三光

張晏曰媪老母稱也坤爲母故稱媪海內安定富媪之功耳

穆穆

優游嘉服上黃

孟康曰土色上黃也○劉歆曰予謂此帝指天子耳後之制數以五卽謂武帝

改服色而尚黃數用五也言后土富媪者由漢以德也顏緣中壇故疑是祠祭但以堂壇諭中央耳

帝臨二

青陽開動根莖以遂

臣瓚曰春爲青陽師古曰草根曰莖遂者言皆生出也莖音該膏



潤并愛跂行畢逮

孟康曰跂音岐師古曰并兼也逮及也凡有足而行者稱跂行也

寔

聲發榮壥處頃聽

晉灼曰壥穴也謂蟄蟲驚聽也師古曰壥與巖同言寔寔始發草木舒榮

則蟄蟲處巖崖者莫不頃聽而起頃讀曰傾

枯豪復產廼成厥命

師古曰枯豪謂草木

經冬零落者也

衆庶熙熙施及夭胎

師古曰熙熙和樂貌也施延也少長

豪音口老反

曰夭在孕曰胎施音

羣生嘒嘒惟春之祺

服虔曰嘒音湛湛露斯如

弋鼓反夭音烏老反

淳曰祺福也師古曰嘒嘒豐

厚之貌也音徒感反祺音其

青陽三

鄒子樂

朱明盛長粍與萬物

臣瓚曰夏爲朱明師古曰粍古數字也數與言開舒也與音弋於反

桐生茂豫靡有所詘

師古曰桐讀爲通茂豫美盛而光悅也言草木皆通達而生美悅光

澤各無所詘皆申遂也詘音丘物反○劉攽曰桐幼稚也揚子云師哉師哉桐子之命

敷華就實

既阜既昌

師古曰敷布也就成也阜大也昌盛也

登成甫田百鬼迪嘗

師古

曰甫田大田也百鬼百神也迪進也嘗謂歆饗之也言此迪盛皆因大田而登成進於祀所而爲百神所歆饗

也迪音大歷反廣大建祀肅雍不忘神若宥之傳世無疆

師古曰若

善也宥祐也

朱明四

鄒子樂

西顓沆碣秋氣肅殺

韋昭曰西方少昊也師古曰沆音胡浪反碣音蕩沆碣白氣之貌也

含秀垂穎續舊不廢

師古曰五穀百草秀穎成實皆因舊苗無廢絕也不榮而實曰秀葉

未曰穎廢合韻音發

姦僞不萌祆孽伏息隅辟越遠四貉咸服

師古

曰四貉猶言四夷辟讀曰僻貉音莫客反

既畏茲威惟慕純德附而不驕正

心翊翊

師古曰純大也言畏威懷德者皆來賓附無敢驕怠盡虔敬○宋祁曰虔敬下當添也字

西顥五

鄒子樂

玄冥陵陰蟄蟲蓋臧

師古曰玄冥北方之神也

山木零落抵冬降霜

孟康曰抵至也至冬而降霜師古曰少古草字○宋祁曰抵作底

易亂除邪草正異俗

師古曰易變革改也

兆民反本抱素懷樸條理信義望禮五嶽

師古

曰條分也暢也

籍斂之時掩收嘉穀

師古曰籍斂謂收籍田也

玄冥六

鄒子樂

惟泰元尊媪神蕃釐

李奇曰元尊天也媪神地也祭天燔燎祭地瘞埋也師古曰李說非

也泰元天也蕃多也釐福也言天神至尊而地神多福也蕃音扶元反釐讀曰禧

經緯天地作

成四時精建日月星辰度理陰陽五行周而復始雲風

雷電降甘露雨百姓蕃滋咸循厥緒

師古曰蕃多也滋益也循順也緒業

也繼統共勤順皇之德

師古曰共讀曰恭皇皇天也此言天子繼承祖統恭勤爲心而

也順天

鸞路龍鱗罔不矜飾

蘇林曰矜音堅塗之堅堅飾也師古曰罔無也矜振也謂

皆振整而飾之也  
肱音許乙反

嘉籩列陳庶幾宴享

師古曰嘉籩謂祭祀之籩實也木曰

豆竹曰籩享字

滅除凶災烈騰八荒

師古曰言威烈之盛踰於八荒鐘

合韻宜音鄉

鼓竿笙雲舞翔翔招搖靈旗九夷賓將

師古曰畫招搖於旗以征伐故

稱靈旗將

猶從也

惟泰元七 建始元年丞相匡衡奏罷鸞路龍鱗更定

詩曰涓選休成

臣瓚曰涓除也除惡選取美成者也

天地並況惟予有慕

師古曰況賜也

爰熙紫壇思求厥路

師古曰熙

興也紫壇壇紫色也  
思求降神之路也

恭承禋祀緼豫爲紛

孟康曰積聚脩飾爲此紛

華也師古曰縕音於粉反

黼黻周張承神至尊

師古曰白與黑畫爲斧形謂之黼

千

童羅舞成八溢

師古曰溢與脩同脩列也

合好効歡虞泰一

師古曰虞與娛

也同九歌畢奏斐然殊鳴琴竽瑟會軒朱

師古曰軒朱卽朱軒也言總合

音樂會於軒檻之前

璆磬金鼓靈其有喜

師古曰璆美玉名以爲磬也喜合韻音許吏反

百官濟濟各敬厥事

○宋祁曰邵本厥作其

盛牲實俎進聞膏

師古

曰言以牲實俎以蕭燭脂則其芬馨達於神所故曰盛牲實俎進聞膏

神奄留臨須搖

音灼

曰須搖須臾也師古曰奄讀曰淹

長麗前掞光耀明

孟康曰欲令神宿留言日雖暮長庚

星在前扶助常有光明也掞或作扶晉灼曰掞卽光炎字也臣瓚曰長麗靈鳥也故相如賦曰前長麗而後裔

皇舊說云鸞也張衡思玄賦亦曰前長麗使拂羽師古曰晉瓚二說是也麗音離揆音豔

寒暑不忒

況皇章

晉灼曰況賜也皇君也章明也言長庚星終始不改其光神永以此明賜君也臣瓚曰忒差也

寒暑不差言陰陽和也以此賜君章賢德也師古曰瓚說是也

展詩應律銷玉鳴

晉灼曰銷

鳴玉聲也師古

曰銷音火玄反

函宮吐角激徵清發梁揚羽申以商

曰下有梁黃鼓員四人似新造音樂者姓名也師古曰

晉說非也自函宮吐角以下總言五聲之備耳申重也

發梁歌聲統梁

造茲新音永欠長

○宋祁曰欠當作久

聲氣遠條

鳳鳥鵲

師古曰條達也鵲古翔字

神夕奄虞蓋孔享

師古曰虞樂也蓋語辭也孔甚

也享合

韻音鄉

天地八 丞相匡衡奏罷黼黻周張更定詩曰肅若舊

典

師古曰肅敬也若順也

日出入安窮時世不與人同

晉灼曰日月無窮而人命有終世長而壽短故

春非我春夏非我夏秋非我秋冬非我冬泊如四海之

池徧觀是邪謂何

晉灼曰言人壽不能安罔如四海徧觀是乃知命甚促謂何當如之何也

師古曰泊水貌也音步各反又音魄

吾知所樂獨樂六龍六龍之調使我

心若

應劭曰易曰時乘六龍以御天武帝願乘六龍仙而升天曰吾所樂獨乘六龍然御六龍得其調使

我心

訾黃其何不徠下

應劭曰訾黃一名乘黃龍翼而馬身黃帝乘之而仙武帝意欲

若



得之曰何不來邪師古曰訾嗟歎之辭也黃乘黃也歎來黃不來下也訾音咨

# 日出入九

## 太一況天馬下

師古曰言此天馬乃太一所賜故來下也

霑赤汗沫流赭

應劭

曰大宛馬汗血霑濡也流沫如赭也李奇曰沫音醕面之醕晉灼曰沫古醕字也師古曰沫沫兩通沫者言被面如類也字從水傍午未之未音呼內反沫者言汗流沫出也字從水傍本末之末音亦如之然今書字多作沫面之

志倣儻精權奇籥浮雲晻上馳

蘇林曰籥音躡言天馬上躡浮

沫也

雲也師古曰晻音烏

體容與逝萬里

孟康曰逝音逝如淳曰逝超踰也晉

威反言晻然而上馳

灼曰古烈字師古曰孟音非也

今安匹龍爲友

師古曰言今更

逝讀與厲同言能厲渡萬里也

無與匹者唯龍可爲之友耳

元狩三年馬生渥洼水中作

天馬徠從西極涉流沙九夷服

師古曰言九夷皆服故此馬遠來也徠古往來

也字天馬徠出泉水虎脊兩化若鬼

應劭曰馬毛色如虎脊者有兩也師古曰

言其變化若鬼神

天馬徠歷無草徑千里循東道

張晏曰馬從西而來東也

師古曰言馬從西來經行磧鹵之地無草者凡千里而至東道

天馬徠執徐時

應劭曰太歲在

辰曰執徐言得天馬時歲在辰也孟康曰東方震爲龍又青龍宿言以其方來也師古曰應說是也

將搖

舉誰與期

如淳曰遙遠也搖或作遙師古曰如說非也言當奮搖高舉不可與期也

天馬徠

開遠門竦予身逝昆侖

應劭曰言天馬雖去入遠當豫開門以待之也文穎曰言武帝

好仙常庶幾天馬來當乘之往

天馬徠龍之媒

應劭曰言天馬

發昆侖也師古曰文說是也

者乃神龍之類今天馬游閭闔觀玉臺

應劭曰閭闔天門玉臺上帝之

所居

太初四年誅宛王獲宛馬作

天馬十

天門開誅蕩蕩

如淳曰誅讀如迭誅蕩蕩天體堅清之狀也師古曰誅音大結反

穆並

騁以臨饗

師古曰言衆神穆然方駕馳騁而臨祠祭

光夜燭德信著

師古曰神光夜

照應誠而來

靈寔平而鴻長生豫

師古曰神靈德澤所浸溥博無私其福甚

是德信著明

大故我得長生之道而安豫也

大朱涂廣夷石爲堂

師古曰涂道路也夷平也言通神之

路飾以朱丹又甚廣大  
平夷密石累以爲堂

飾玉梢以舞歌體招搖若永望

師古曰梢竿也舞者所持玉梢以玉飾之也招搖申  
動之貌永長也梢音所交反招音韶望合韻音亡

星

留俞塞隕光

師古曰俞荅也言衆星留神荅我饗  
薦降其光耀四面克塞也俞音踰

照紫

幄珠煩黃

如淳曰煩音殞黃貌也師古曰紫幄饗神之  
幄也帳上四下而覆曰幄言光照紫幄故其

珠色煩然而黃也煩音云

幡比玃回集貳雙飛常羊

文穎曰舞者骨  
騰肉飛如鳥之

回翅而雙集也師古  
曰常羊猶逍遙也

月穆穆以金波日華耀以宣明

師古

曰言月光穆穆若金  
之波流也宣徧也

假清風軋忽激長至重觴

師古曰  
軋忽長

遠之貌也重  
觴謂累獻也

神裴回若留放殪冀親以肆章

孟康曰殪  
音覲師古

曰言神靈裴回留而不去故我得觀見冀以親附而陳誠意遂章明之

函蒙祉福常若期

師古曰函包也蒙被也言爲神所饗故能包函蒙被祉福應誠而至有常期也

寂寥上天知厥

時

應劭曰言天雖寂寥高遠而知我饗薦之時也寥音來朝反

泛泛滇滇從高旂

應劭

曰泛泛上浮之意也滇滇盛貌也晉灼曰滇音振旅闐闐師古曰音徒千反

殷勤此路臚所

求

應劭曰臚陳也言所以殷勤此路乃欲陳所求也師古曰臚音力於反

佻正嘉吉弘以

昌

如淳曰佻讀曰肇肇始也

休嘉砰隱溢四方

師古曰休美也嘉慶也砰音萌反砰隱盛

意

專精厲意逝九閼

如淳曰閼亦陔也淮南子曰若土者謂盧敖曰吾與汗漫期乎九陔

之上陔重也謂九天之上也師古曰閼合韻音改又音亥

紛云六幕浮大海

師古曰紛云興

作之貌六幕

猶言六合也

# 天門十一

景星顯見信星彪列

如淳曰景星者德星也見無常常出有道之國鎮星爲信星居國益

地師古曰謂彰著而爲行列也

象載昭庭日親以察

師古曰象謂縣象也載事也縣象秘

事昭顯於庭日來親近甚明察也○劉敞曰象載則瑞應車也

參侔開闔爰推本紀

應劭

曰參三也言景星光明開闔乃三於日月也晉灼曰侔等也開闔猶開闢也言今之鼎瑞參等於上世師古曰

晉說是

汾睢出鼎皇祐元始

師古曰皇大也祐福也睢音誰祐音怙

五音六

律依韋饗昭

師古曰依韋諧和不相乖離也饗讀曰響昭明也言聲響之明也

雜變並

會雅聲遠姚

師古曰姚僛姚言飛揚也

空桑琴瑟結信成

張晏曰傳曰空桑爲

瑟一彈三歎祭天質故也師古曰空桑地名也出善木可爲琴瑟也

四興遞代八風生

應劭

曰四時遞代成陰陽八風以生也臣瓚曰舞者四縣代奏也左氏傳曰夫舞者所以節八音而行八風也師古曰瓚說是也八方之風謂東北曰條風東方曰明庶風東南曰清明風南方曰景風西南曰涼風西方曰閭闔風西北曰不周風

殷殷鐘石羽籥鳴

師古曰殷殷聲盛也石謂磬也羽籥

韶舞所持者也殷音隱

河龍供鯉醇犧牲

晉灼曰河龍夏之所賜者也供鯉給厨祭也師

古曰醇謂色不雜也犧牲牛羊全體者也

百末旨酒布蘭生

張晏曰百末末作之末也晉灼

曰百日之末酒也芬香布刻若蘭之生也師古曰百末百草華之末也旨美也以百草華末雜酒故春且美也

事見春秋繁露○宋祁曰

泰尊拓漿析朝醒

應劭曰拓漿取甘拓

百未作百米布刻作布列

汁以爲飲也醒病酒也析解

微感心攸通修名

師古曰言精微

也言拓漿可以解朝醒也

所應其心攸遠故得

周流常羊思所并

師古曰周流猶周行也常羊猶

通達成長久之名

逍遙也思所并思與神道

穰穰復正直往甯

師古曰穰穰多也復

合也下言合所思是也

猶歸也直當也甯願也言獲福既多歸於正道

馮虺切

克當往日所願也復音扶目反甯合韻音寧

和疏寫平

晉灼曰馮馮夷河伯也虺虺屬也師古曰言馮夷命靈虺使切厲諧和水神令之疏

尊川潦寫散平均無災害

上天布施后土成穰穰豐年

也虺音弋隨反又音攜

四時榮



景星十二 元鼎五年得鼎汾陰作

齊房產草九莖連葉

師古曰齊讀曰齋其下並同

宮童効異披圖案

謀

臣瓚曰宮之童豎致此異瑞也蘇林曰謀譜第之也○宋祁曰第之衍之字

玄氣之精回

復此都

師古曰玄天也言天氣之精回旋反復於此雲陽之都謂甘泉也

蔓蔓日茂芝

成靈華

師古曰蔓蔓言其長久日以茂盛也

齊房十三 元封二年芝生甘泉齊房作

后皇嘉壇立玄黃服

師古曰壇祭壇也服祭服也

物發冀州兆蒙祉

福

晉灼曰得寶鼎於汾陰也臣瓚曰汾陰屬冀州

沉沉四塞假狄合處

孟康曰沈音充

師古曰沆沆流行之貌也假狄遠夷也合處  
內附也假卽遐字耳其字從彳彳音且益反  
經營萬億

咸遂厥宇

師古曰宇居也言我經營  
萬方億兆故得咸遂其居

后皇十四

華燿燿固靈根神之旂過天門車千乘敦昆侖

師古曰敦讀曰

屯屯聚也

神之出排玉房周流雜拔蘭堂

師古曰拔舍止也音步曷反

神

之行旌容容騎沓沓般從從

孟康曰從音總晉灼曰音人相從勇作惡師古曰容

容飛揚之貌也沓沓疾行也般相連也從從衆也  
容音勇從音總一曰容讀如本字從音才公反

神之

徠泛翊翊甘露降慶雲集

如淳曰天文志云若烟非烟若雲非雲郁郁紛紛是謂慶

雲師古曰翊音

神之掄臨壇宇

師古曰掄引也壇宇謂祭祠壇場及宮室言神

弋入反又音立引來降臨之

也掄音踰九疑賓夔龍舞

如淳曰九疑舜所葬言以舜爲賓客也夔典樂龍管

納言皆隨舜而

來舞以樂神神安坐鵠吉時

師古曰鵠古翔字也言神安坐回翔皆趣吉時

也共翊翊合所思

師古曰共讀曰恭翊翊敬也

神嘉虞申貳觴

師古曰虞

樂也貳觴猶重觴也

福滂洋邁延長

師古曰滂洋饒廣也滂音普郎反洋音羊又音祥

沛

施祐汾之阿

師古曰沛音普大反沛然泛貌也阿水之曲隅

揚金光橫泰河

師古

曰橫充滿也泰河大河也

莽若雲增陽波

師古曰莽雲貌言明光之盛莽莽然如雲也

徧

臚驩騰天歌

師古曰臚陳也騰升也言陳其歡慶令歌上升於天

華燭燭十五

五神相包四鄰

如淳曰五帝為太一相也師古曰包舍也四鄰四方也

土地廣揚

浮雲扞嘉壇椒蘭芳

孟康曰扞摩也師古曰音公忽反謂摩拭其壇加以椒蘭之芳

壁

玉精垂華光

師古曰言禮神之璧乃玉之精英故有光華也

益億年美始興

師古

曰言福慶方興起也

交於神若有承

師古曰言神來降臨故盡其肅恭

廣宣延咸

畢觴

師古曰言徧延諸神咸飲祭祀畢盡觴爵也

靈輿位偃蹇驤

師古曰神既畢饗則

嚴駕靈輿引其侍從之位偃蹇高驤也蹇音居偃反

卉汨臚析奚遺

師古曰卉汨疾意也臚陳

也析分也奚何也言速自陳列分散而歸無所留也汨音于筆反

淫淥澤淫然歸

師古曰淫

久也淶澤澤名言我饗神之後久在淶澤乃泔然而歸也淶音綠注音烏黃反○宋祁曰按淶淶澤泔然歸師古注義似取未安淶當是福祿之祿淶淶也言神之賜祿泔然廣溢然後歸而上天也

## 五神十六

朝隴首覽西垠

臣瓚曰謂朝於隴首而覽西北也師古曰隴坻之首也垠厓也坻音丁禮反

雷電秦獲白麟

臣瓚曰秦祭五時皆有報應聲若雷光若電也師古曰秦古燎字

爰五

止顯黃德

師古曰爰曰也發語辭也止足也時白麟足有五蹠

圖匈奴熏鬻殛

應劭

曰熏鬻匈奴本號也師古曰殛窮也一曰殛誅也音居力反

闕流離抑不詳

師古曰流離不

得其所者為聞道路使之安集達道不詳善者則抑黜之以申懲勸也

賓百僚山河饗

師古

曰百僚百神之官也  
也饗合韻音鄉

掩回轅鬢長馳

如淳曰鬢音楸鬢長貌也師古曰音武

元騰雨師洒路陂

師古曰洒灑也路陂路傍也言使雨師灑道也洒音灑又音山陂反流

星隕感惟風簫歸雲撫懷心

師古曰懷心懷柔之心也簫音躡

朝隴首十七 元狩元年行幸雍獲白麟作

象載瑜白集西

服虔曰象載鳥名也師古曰此說非也象載象輿也山出象輿瑞應車也瑜美

貌也言此瑞車瑜然色白而出西方也西合韻音先

食甘露飲榮泉

師古曰駕輿者之所飲食

也榮泉言泉有光華○劉放曰此詩四句先叙所見祥瑞之物也象載瑜黑車也白集西雍之麟也甘露榮泉

天之所降地之所出也注非

赤鴈集六紛員

師古曰言六者所獲赤鴈之數也紛員多貌也

言西獲象與東獲赤鴈祥瑞多也員音云

殊翁雜五采文

孟康曰翁鴈頸也言其文采殊異也

神所見施祉福登蓬萊結無極

師古曰見顯示也蓬萊神山也在海中結成也

象載瑜十八 太始三年行幸東海獲赤鴈作

赤蛟綏黃華蓋

師古曰綏綏赤蛟貌黃華蓋言其上有黃氣狀若蓋也

露夜零晝

掩濫

師古曰掩音烏感反濫音靄掩濫雲氣之貌

百君禮六龍位

師古曰百君亦謂百

神也 勺椒漿靈已醉

師古曰勺讀曰酌

靈既享錫吉祥芒芒極降

嘉觴

師古曰芒芒廣大貌音莫卽反

靈殷殷爛揚光

師古曰殷殷盛也爛光貌殷音隱

延壽命永未央沓冥冥塞六合澤汪濊輯萬國

師古曰塞滿也

輯和也天地四方謂之六合注滅言饒多

靈禋禋象輿

也滅音於廢反又音烏外反輯與集同

輶

孟康曰禋音近泉不安欲去也輶待也如淳曰僕人嚴駕待發之意也師古曰輶音儀禋孟音是也輶如

說是也○宋祁

票然逝旗逶蛇

師古曰票然輕舉意也逶蛇旗貌也票音匹遙

曰原本儀作蟻

反蛇音移

禮樂成靈將歸託玄德長無哀

師古曰言託恃天德冀獲長生無哀

也竭

赤蛟十九

其餘巡狩福應之事不序郊廟故弗論是時河間獻王有雅材亦以爲治道非禮樂不成因獻所集雅樂天子



下大樂官常存肄之

師古曰肄習也音弋二反

歲時以備數然不常

御常御及郊廟皆非雅聲然詩樂施於後嗣猶得有所

祖述昔殷周之雅頌迺上本有娥姜原

應劭曰簡狄有娥之女吞燕卵

而生契師古曰姜原后稷之母也

高稷始生玄王公劉古公太伯王季

姜女太任太姒之德

師古曰高殷之始祖稷周之始祖玄王亦殷之先祖承黑帝之後故

曰玄王公劉后稷之曾孫也古公亶甫即豳公也太伯太王之子王季之兄也王季文王之父也姜女亶甫之妃也太任文王之母也太姒文王之妃武王之母也毛鄭說詩以玄王即高也此志既言高又有玄王則玄王非高一人矣

乃及成湯文武受命武丁成康宣王中興

師古曰武

丁殷王高宗也周成王武王之子也  
康王成王之子也宣王厲王之子也

下及輔佐阿衡周

召太公申伯召虎仲山甫之屬

師古曰阿衡伊尹職號也周周公旦也召召公

奭也太公師尚父也申伯召虎仲山甫皆周宣王臣也

君臣男女有功德者靡不

褒揚功德既信美矣褒揚之聲盈乎天地之間是以光  
名著於當世遺譽垂於無窮也今漢郊廟詩歌未有祖  
宗之事八音調均又不協於鐘律而內有掖庭材人外  
有上林樂府皆以鄭聲施於朝廷至成帝時謁者常山  
王禹世受河間樂能說其義其弟子宋翬等上書言之

師古曰：「畢音于輒反。」

下大夫博士平當等考試當以爲漢承秦滅

道之後，賴先帝聖德，博受兼聽，修廢官，立太學，河間獻王聘求幽隱，修興雅樂，以助化時。大儒公孫弘、董仲舒等皆以爲音中正雅立之大樂。春秋鄉射作於學官，希闊不講。師古曰：「講謂習也。」故自公卿大夫觀聽者，但聞鏗鎗不曉其意，而欲以風諭衆庶，其道無由。師古曰：「風化也。」是以行之

百有餘年，德化至今未成。今畢等守習孤學，大指歸於興助教化，衰微之學興廢在人，宜領屬雅樂以繼絕表。

微

師古曰表顯也

孔子曰人能弘道非道弘人

師古曰論語載孔子之言

河

間區區小國藩臣

師古曰區區小貌也

以好學修古能有所存

師古

曰存意

於禮樂

民至于今稱之況於

宋祁曰況於當作況以

聖主廣被之

資

師古曰被猶覆也音皮義反

修起舊文放鄭近雅述而不作信而

好古於以風示海內揚名後世誠非小功小美也事下

公卿以爲久遠難分明當議復寢是時鄭聲尤甚黃門

名倡丙彊景武之屬富顯於世貴戚五侯定陵富平外

戚之家

師古曰五侯王鳳以下也定陵淳于長也富平張放

淫侈過度至與人主

爭女樂哀帝自爲定陶王時疾之又性不好音及卽位

下詔曰惟世俗奢泰文巧而鄭衛之聲興夫奢泰則下

不孫而國貧

師古曰孫讀曰遜

文巧則趨末背本者衆

師古曰趨讀曰

趣趣嚮也

鄭衛之聲興則淫辟之化流

師古曰辟讀曰僻也

而欲黎庶

敦朴家給猶濁其源而求其清流

師古曰源水泉之本

豈不難哉

孔子不云乎放鄭聲鄭聲淫

師古曰論語載孔子之言

其罷樂府官

郊祭樂及古兵法武樂在經非鄭衛之樂者條奏別屬

他官丞相孔光大司空何武奏郊祭樂人員六十二人

給祠南北郊大樂鼓員六人嘉至鼓員十人耶鄆鼓員

二人騎吹鼓員三人江南鼓員二人淮南鼓員四人巴

俞鼓員三十六人

師古曰巴巴人也俞俞人也當高祖初爲漢王得巴俞人並趨捷善關與

之定三秦滅楚因存其武樂也巴俞之樂因此始也巴卽今之巴州俞卽今之渝州各其本地歌鼓員

二十四人楚嚴鼓員一人梁皇鼓員四人臨淮鼓員三

十五人茲邠鼓員三人

晉灼曰邠音方

凡鼓十二員百二十八

人朝賀置酒陳殿下應古兵法外郊祭員十三人諸族

樂人兼雲招給祠南郊用六十七人

師古曰招讀與翹同

兼給事

雅樂用四人夜誦員五人剛別柎員二人給盛德

師古曰剛

及別柎皆鼓名也柎音膚

主調箎員二人

師古曰箎以竹爲之七孔亦笛之類也音池

聽

工以律知日冬夏至一人鐘工磬工簫工員各一人僕

射二人主領諸樂人皆不可罷竽工員三人一人可罷

師古曰竽笙類也三十六簧音于

琴工員五人三人可罷柱工員二人

一人可罷

師古曰柱工主箏瑟之柱者

繩弦工員六人四人可罷

師古

曰弦琴瑟之弦繩言主糾合作之也

鄭四會員六十二人一人給事雅樂

六十一人可罷張瑟員八人七人可罷安世樂鼓員二

十人十九人可罷沛吹鼓員十二人族歌鼓員二十七

人陳吹鼓員十三人商樂鼓員十四人東海鼓員十六

人長樂鼓員十三人縵樂鼓員十三人

師古曰縵樂雜樂也音漫

凡

鼓八員百二十八人朝賀置酒陳前殿房中不應經法

治筭員一人楚鼓員六人常從倡三十人常從象人四

人孟康曰象人若今戲蝦魚師子者也韋昭曰著假面者也師古曰孟說是

詔隨常從倡十

六人秦倡員二十九人秦倡象人員三人詔隨秦倡一

人雅大人員九人朝賀置酒爲樂楚四會員十七人巴



四會員十二人鉞四會員十二人

李奇曰疑是鼗韋胎曰鉞國名音錄師古

曰韋說是也鉞音姚

齊四會員十九人蔡謳員三人齊謳員六人

竽瑟鐘磬員五人皆鄭聲可罷師學百四十二人其七

十二人給大官捫馬酒

李奇曰以馬乳爲酒撞捫乃成也師古曰捫音動馬酪味如酒

而飲之亦可醉故呼馬酒也

其七十人可罷大凡八百二十九人其

三百八十八人不可罷可領屬大樂其四百四十一人

不應經法或鄭衛之聲皆可罷奏可然百姓漸漬日久

又不制雅樂有以相變豪富吏民湛沔自若

師古曰湛讀曰沈又

讀曰耽自若  
言自如故也  
陵夷壞于王莽

今海內更始民人歸本戶口歲息

師古曰今謂班氏撰書時也息生也

平

其刑辟牧以賢良至於家給既庶且富則須庠序禮樂

之教化矣

師古曰家給解已在前庶衆也論語云孔子曰庶矣哉冉有曰既庶矣又何加焉曰富之

曰既富矣又何加焉曰教之故班氏引之也

今幸有前聖遺制之威儀

○宋祁曰

遺制下應添禮字

誠可法象而補備之經紀可因緣而存著也

孔子曰殷因於夏禮所損益可知也周因於殷禮所損

益可知也其或繼周者百世可知也

師古曰論語載孔子答子張之言也

○宋祁曰繼周者  
下當添一雖字

今大漢繼周久曠大儀未有立禮成

樂此賈誼仲舒王吉劉向之徒所爲發憤而增嘆也

師古

曰感  
嘆也

前漢書卷二十二

前漢書卷二十二考證

禮樂志六經之道同歸注師古云云○監本于此卷脫  
注尤多今並從宋本補

明聖者述作之謂也○

臣浩

按自六經之道至此統論

禮樂大致下文自王者必因前王之禮以下則禮志  
本文也自樂者聖人之所樂也以下則樂志本文也  
自今海內更始又統論禮樂以結前文監本于畫段  
不明今遇起處另提行寫

以通爲奉常遂定儀法未盡備而通終○王應麟曰叔  
孫通禮儀藝文志不載曹褒傳云章和元年正月召  
褒詣嘉德門令小黄門持班固所上漢儀十二篇又  
王充論衡曰高祖詔叔孫通制作儀品十六篇

臣召

南

按通定朝儀及宗廟儀法具載本傳史記禮書曰  
叔孫通頗有增損大抵皆襲秦故自天子稱號下至  
佐僚及宮室官名少所變改爲得其實賈公彥周禮  
疏乃謂通作漢禮器制度取法于周不知何所据也

通所撰禮制後世罕見惟陳書沈文阿云叔孫定禮  
尤失前憲莫贄不珪致享無帛王公同璧鴻臚奏賀  
若此數事未聞于古又孔穎達禮記疏曰高祖時皇  
太子納妃叔孫制禮以爲天子無親迎似其書尚有  
傳者不可解也

顓頊作六莖帝嚳作五英○

臣召南

按六莖五英此與

白虎通同又有稱五莖六英者周禮疏引樂緯曰顓  
頊之樂曰五莖帝嚳之樂曰六英又元結補古樂歌

亦作五莖六英

樂官師瞽抱其器而犇散注云云○

臣召南

按此志本

史記殷本紀言紂時太師少師持其祭樂器奔周班氏遂以論語實其事耳

主出武德舞注蘇林曰言昭容樂生於武德舞○隋志牛弘曰昭德生于武德猶古之昭夏禮容生于文始矯秦之五行

臣召南

按弘言矯秦之五行非也蓋禮

容樂生于文始五行二舞也故本文云禮容主出文



始五行舞

乃立樂府注樂府之名蓋起于此○王應麟曰惠帝時有樂府令夏侯寬更安世樂似非始于武帝顧炎武曰上既言孝惠二年云云下又言武帝云云此兩收而未貫通者也

安世房中歌十七章○

臣浩

按此猶郊祀歌十九章宜

提行寫不與前文接連

臣召南

按周詩所謂房中樂

者人倫始于夫婦故首以關雎鵲巢漢安世房中歌

直是祀神之樂故曹魏初改名正始之樂後因繆襲言又改名享神歌也

注劉敞曰今分別之大孝備矣一章八句云云○

臣

世駿

按舊本監本俱以大孝備矣爲一段粥粥音送

爲一段我定厯數爲一段豐草萋萋爲一段雷震震爲一段都荔遂芳爲一段桂華馮馮翼翼爲一段嘉薦芳矣爲一段皇皇鴻明至末爲一段判然九章與志所云十七章者數不相應今從劉敞分十七章章首

俱提行寫

施教申申○監本訛甲申今從宋本改正

建始元年丞相匡衡奏罷鸞路龍鱗更定詩曰涓選休

成○臣召南

按監本以涓選休成爲下章天地並况

之首句又以肅若舊典爲下章日出入安窮之首句  
此大誤也今改正又按衡所更定詩祇記其首句餘  
不傳

泊如四海之池

句徧觀是邪謂何

句○臣照

按言人之

壽命較之於日日如四海人如池也日行於天出東入西徧觀居此世者其謂之何作問之辭以起下文欲仙之意也晉灼注未明

拔蘭堂注拔舍止也○按如顏注則本文拔字應作召伯所爰之爰

其餘巡狩福應之事不序郊廟故弗論○

臣召南

按藝

文志有泰一雜甘泉壽宮歌詩十四篇宗廟歌詩五篇是亦郊廟樂章也不知何以遺之



前漢書卷二十二考證

欽定四庫全書薈要卷三千七百三十九

史部

前漢書卷二十三

漢 蘭 臺 令 史班 固撰

唐正議大夫行秘書少監琅邪縣開國子顏師古注

刑法志第三

夫人宵天地之顏

應邵曰宵類也頭圍象天足方象地孟康曰宵化也言稟天地氣化而生

也師古曰宵義與肖同應說是也故庸妄之人謂之不肖言其狀顏無所象似也顏古貌字

懷五常

之性

師古曰五常仁義禮智信

聰明精粹

師古曰精細也言其識性細密也粹淳也音先遂反

有生之最靈者也爪牙不足以供耆欲趨走不足以避

利害

師古曰耆讀曰嗜

無毛羽以禦寒暑必將役物以爲養任

智而不恃力此其所以爲貴也故不仁愛則不能羣不

能羣則不勝物不勝物則養不足羣而不足爭心將作

上聖卓然先行敬讓博愛之德者衆心說而從之

師古曰說

讀曰悅

從之成羣是爲君矣歸而往之是爲王矣

師古曰言爭往

而歸之也

洪範曰天子作民父母爲天下王

師古曰洪範周書也

聖人

取類以正名而謂君爲父母明仁愛德讓王道之本也



愛待敬而不敗德須威而久立故制禮以崇敬作刑以

明威也聖人既躬明慙之性

師古曰躬謂身親有之

必通天地之

心制禮作教立法設刑動緣民情而則天象地

師古曰則法也

故曰先王立禮則天之明因地之性也

師古曰春秋左氏傳載鄭大夫

子太叔之辭也

刑罰威獄以類天之震曜殺戮也

師古曰震謂雷電也

溫

慈惠和以效天之生殖長育也書云天秩有禮天討有

罪

師古曰此虞書咎繇謨之辭也秩叙也言有禮者天則進叙之有罪者天則討治之

故聖人因

天秩而制五禮

師古曰五禮吉山賓軍嘉

因天討而作五刑

師古曰其說在

下大刑用甲兵

張晏曰以六師誅暴亂

其次用斧鉞

韋昭曰斬刑也

中刑

用刀鋸

韋昭曰刀割刑鋸刑也

其次用鑕鑿

韋昭曰鑕鑿刑也鑕鑿

去其髓骨也鑕音子

薄刑用鞭扑

師古曰扑杖也音普木反

大者陳

端反髓音頰刀反

諸原野

師古曰謂征討所殺也

小者致之市朝

應劭曰大夫以上尸諸朝士以下尸

其所繇來者上矣

師古曰繇讀與由同

自黃帝有涿鹿之戰以

定火災

鄭氏曰涿鹿在彭城南與炎帝戰炎帝火行故云火災李奇曰黃帝與炎帝戰於阪泉今言涿

鹿地有二名也文穎曰國語云黃帝炎帝弟也炎帝號

神農火行也後子孫暴虐黃帝伐之故言以定火災律

歷志云與炎帝後戰於阪泉涿鹿在上谷今見有阪泉

地黃帝祠師古曰文說是也彭城者上谷北別有彭城

非宋之顯頊有共工之陳以定水害

文穎曰共工主水官也少昊氏衰東

彭城也政作害顯頊伐之本主水官因爲水行也師古曰共讀曰龔

唐虞之際至治之極猶

流共工放驩兜竄三苗殛鯀然後天下服

師古曰舜受堯禪而流共

工于幽州放驩兜于崇山竄三苗于三

夏有甘扈之誓

危殛鯀于羽山也殛誅也音居力反

師古曰謂啓與有扈戰于甘之野作甘誓事見夏書扈國今鄆縣是也甘即甘水之上

殷周以兵

定天下矣

師古曰謂湯及武王

天下既定戰臧干戈教以文德

師古

曰戰

而猶立司馬之官設六軍之衆

師古曰司馬夏官卿掌邦政軍旅屬

爲萬二千五百人爲軍王則六軍也

因井田而制軍賦

○宋祁曰萬一千邵本作萬二千

地方一里爲井井十爲通通十爲成成方十里成十爲  
終終十爲同同方百里同十爲封封十爲畿畿方千里  
有稅有賦

師古曰稅者田租也賦謂發賦歛財也

稅以

足食賦以足兵故四井爲邑四邑爲丘丘十六井也有

戎馬一匹牛三頭四丘爲甸甸六十四井也有戎馬四

匹兵車一乘牛十二頭甲士三人卒七十二人干戈備

具是謂乘馬之法

鄭氏曰甲士在車上也師古曰乘音食證反其下並同

一同百

里提封萬井

蘇林曰提音祇陳留人謂舉田爲祇李奇曰提舉也舉四封之內也師古曰李說是

也提讀如本字蘇音非也說者或以爲積土而封謂之提封既改文字又失義也

除山川沈斥

城池邑居園囿術路三千六百井

臣瓚曰沈斥水田爲鹵也如淳曰術大道

也師古曰川謂水之通流者也沈謂居深水之下也斥鹵鹵之地

定出賦六千四百井

戎馬四百匹兵車百乘此卿大夫采地之大者也

師古曰采

官也因官食地故曰采地爾雅曰采察官也說者不曉采地之義因謂菜地云以種菜非也

是謂百

乘之家一封三百一十六里提封十萬井定出賦六萬

四千井戎馬四千匹兵車千乘此諸侯之大者也是謂

千乘之國天子畿方千里提封百萬井定出賦六十四

萬井戎馬四萬匹兵車萬乘故稱萬乘之主戎馬車徒

干戈素具春振旅以搜夏拔舍以苗秋治兵以獮冬大

閱以狩

師古曰振旅整衆也搜搜擇不任學者拔舍草止不妨農也苗爲苗除害也治兵觀威武也獮

應殺氣也大閱簡車馬也狩火田一曰狩守也圍守而取之拔音步末反

皆於農隙以講事

焉

師古曰陳空閑也講和習之也○宋祁曰邵本習之也無之字

五國爲屬屬有長十

國爲連連有帥

師古曰長音竹兩反帥音所類反

三十國爲卒卒有正

二百一十國爲州州有牧連帥比年簡車

師古曰比年頻年也卒

正三年簡徒

師古曰徒人衆

羣牧五載大簡車徒此先王爲國

立武足兵之大略也周道衰法度墮

師古曰墮即墜字墜毀也音火規反

至齊桓公任用管仲而國富民安公問行伯用師之道

師古曰伯讀曰霸

管仲曰公欲定卒伍脩甲兵大國亦將脩之

而小國設備則難以速得志矣於是乃作內政而寓軍

令焉

師古曰寓寄也寄於內政而修軍令也

故卒伍定庠里而軍政成庠

郊連其什伍

師古曰五人爲伍二伍爲什

居處同樂死生同憂禍福

共之故夜戰則其聲相聞晝戰則其目相見緩急足以

相死其教已成外攘夷狄內尊天子以安諸夏

師古曰攘卻也

諸夏中國之諸侯也夏大也言大於四夷也

攘音人羊反

齊桓既沒晉文接之亦先

定其民作被廬之法

應劭曰搜於被廬之地作執秩以爲六官之法因以名之也師古曰

被廬晉地也

總帥諸侯迭爲盟主

師古曰迭互也音大結反

然其禮

被音皮義反

已頗僭差又隨時苟合以求欲速之功故不能充王制

二伯之後寢以陵夷

師古曰寢漸也陵夷頽替也二伯齊桓公晉文公也伯讀曰霸

至

魯成公作丘甲

師古曰丘十六井也止出戎馬一匹牛三頭四丘爲甸甸六十四井也乃出戎

馬四匹兵車一乘牛十二頭甲士三人卒七十二人耳今乃使丘出甸賦違常制也一說別令人爲丘作甲也士農工商四類異業甲者非凡人所能爲而令作之譏不正也

哀公用田賦

師古曰田賦者別計



田畝及家財各爲一賦言  
不依古制役煩歛重也

搜狩治兵大閱之事皆失其

正春秋書而譏之以存王道於是師旅亟動百姓罷敝

師古曰亟屢也音  
計吏反罷讀曰疲

無伏節死難之誼孔子傷焉曰以不

教民戰是謂棄之

師古曰論語載孔子  
之言也非其不素習

故稱子路曰由

也千乘之國可使治其賦也而子路亦曰千乘之國攝

虜大國之間加之以師旅因之以饑饉由也爲之比及

三年可使有勇且知方也

師古曰皆論語所載也  
方道也比音必寐反

治其

賦兵教以禮誼之謂也春秋之後滅弱吞小並爲戰國

稍增講武之禮以爲戲樂用相夸視

師古曰視讀曰示

而秦更

名角抵

師古曰抵音丁禮反解在武紀

先王之禮沒於淫樂中矣雄桀

之士因執輔時作爲權詐以相傾覆吳有孫武齊有孫

臚

師古曰臚音類忍反

魏有吳起秦有商鞅皆禽敵立勝垂著篇

籍當此之時合從連衡

師古曰衡橫也戰國時齊楚韓魏燕趙爲從秦國爲衡從音子

容反謂其地形南北從長也秦地形東西橫長故爲衡也

轉相攻伐代爲雌雄

師古曰代

迭齊愍以技擊彊

孟康曰兵家之技巧技巧者習手也足便器械積機關以立攻守之勝魏

惠以武卒奮

師古曰奮盛起

秦昭以銳士勝

師古曰銳勇利

世方爭於

功利而馳說者以孫吳爲宗時唯孫卿明於王道

師古曰孫

卿楚人姓荀名況避漢宣帝之諱故改曰孫卿

而非之曰彼孫吳者上執利而

貴變詐施於暴亂昏嫚之國君臣有間

師古曰言有間隙不諧和

上

下離心政謀不良故可變而詐也夫仁人在上爲下所

印

印讀曰仰

猶子弟之衛父兄若手足之扞頭目何可當也

師古曰扞禦難也音卜旦反

鄰國望我歡若親戚芬若椒蘭顧視其

上猶焚灼仇讎人情豈肯爲其所惡而攻其所好哉故以桀攻桀猶有巧拙以桀詐堯若卵投石夫何幸之有

師古曰言往必破碎詩曰武王載旆有虔秉鉞如火烈烈則莫我

敢遏

師古曰殷頌長發之詩也武王湯也虔敬也遏止也言湯建號興師本由仁義雖執威鉞以敬爲先

故得如火之盛無能止也

言以仁誼綏民者無敵於天下也若齊之

技擊得一首則受賜金事小敵脆則媮可用也

師古曰媮與偷

同謂苟且

事鉅敵堅則渙然離矣

師古曰鉅大也渙然散貌

是亡國之兵

也魏氏武卒衣三屬之甲

服虔曰作大甲三屬竟人身也蘇林曰兜鍪也盤領也髀

禪也如淳曰上身一髀禪一蹠綴一凡三屬也師古操

曰如說是也屬聯也音之欲反髀音陞蹠即脰字

十二石之弩負矢五十个置戈其上冠胄帶劒贏三日

之糧

師古曰个讀曰箇箇枚也胃兜鍪也冠胃帶

日中

而趨百里

師古曰日中一日之中

中試則復其戶利其田宅

師古曰中

試試之而中科條也復謂免其賦稅也利田宅者給其便利之處也中音竹仲反復音方目反

如此則

其地雖廣其稅必寡其氣力數年而衰是危國之兵也

秦人其生民也阨阨其使民也酷烈

師古曰阨地小也險固也酷重厚

也烈猛

劫之以執隱之以阨

鄭氏曰秦地多隘阨隱其民於隘中也臣瓚曰秦政

威也

急峻隱括其民於隘狹之法師古曰鄭說是也

狃之以賞慶道之以刑罰

師古曰狃

串習也音女敎

使其民所以要利於上者非戰無由也

反道讀曰導

功賞相長五甲首而隸五家

服虔曰能得著甲者五人首使得隸役五家也如淳

曰役隸五家是爲相君長

是最爲有數故能四世有勝於天下然皆

干賞蹈利之兵庸徒鬻賣之道耳

師古曰鬻音育

未有安制矜

節之理也

師古曰矜持也

故雖地廣兵彊鯁鯁常恐天下之一

合而共軋已也

蘇林曰鯁音慎而無禮則惹之惹鯁懼貌也張晏曰軋踐轆也師古曰鯁音先

祀反軋音於點反

至于齊桓晉文之兵可謂入其域而有節制

矣

孟康曰人王兵之域而未盡善也

然猶未本仁義之統也故齊之技

擊不可以遇魏之武卒魏之武卒不可以直秦之銳士

師古曰直亦當也

秦之銳士不可以當桓文之節制桓文之節

制不可以敵湯武之仁義故曰善師者不陳

師古曰戰陳之義本

因陳列爲名而音變耳字則作陳更無別體而宋代學者輒改其字旁從車非經史之本文也今宜依古不從流俗也

善陳者不戰善戰者不敗善敗者不亡若夫舜脩

百僚咎繇作士

師古曰士師理官謂司寇之職

命以蠻夷猾夏寇賊姦

軌

師古曰虞書舜典舜命咎繇之文也猾亂也夏諸夏也寇謂攻剽賊謂殺人在外曰姦在內曰軌

而

刑無所用所謂善師不陳者也湯武征伐陳師誓衆而

放禽桀紂

師古曰謂湯誓泰誓牧誓是也

所謂善陳不戰者也齊桓南

服彊楚使貢周室

師古曰謂僖四年伐楚次于陘責包茅不入王祭不供也

北伐山

戎爲燕開路

師古曰謂莊三十年伐山戎以其病燕故也

存亡繼絕功爲伯

首

師古曰謂存三亡國衛邢魯也伯讀曰霸

所謂善戰不敗者也楚昭王遭

闔廬之禍國滅出亡

師古曰謂定四年吳入郢楚子出涉睢濟江入于雲中也

父老

送之王曰父老反矣何患無君父老曰有君如是其賢

也

師古曰言無有如此君者

相與從之或奔走赴秦號哭請救

師古曰謂

申包胥如秦乞師也奔古奔字

秦人憐之爲之出兵

師古曰謂秦子蒲子武帥車五百乘

以救二國并力遂走吳師

師古曰謂子蒲大敗夫槩王于沂遂射之子從子西敗吳

楚也



師於  
軍祥

昭王返國

師古曰吳師已歸楚子入郢

所謂善敗不亡者也若

秦因四世之勝據河山之阻任用白起王翦豺狼之徒

奮其爪牙禽獵六國以并天下

師古曰言如獵之取獸

窮武極詐

士民不附卒隸之徒還爲敵讎

師古曰謂陳勝吳廣英布之徒也

姦起

雲合果共軋之

師古曰姦疾風也如姦之起言其速也如雲之合言其盛也姦音必達反

斯

爲下矣凡兵所以存亡繼絕救亂除害也故伊呂之將

子孫有國與商周並

師古曰言其同盛衰也

至於末世苟任詐力

以快貪殘爭城殺人盈城爭地殺人滿野孫吳商白之

徒皆身誅戮於前而國滅亡於後

師古曰孫武孫臏吳起商鞅白起也

報

應之執各以類至其道然矣漢興高祖躬神武之材行

寬仁之厚總攬英雄以誅秦項任蕭曹之文用良平之

謀騁陸酈之辯明叔孫通之儀文武相配大略舉焉天

下既定踵秦而置材官於郡國

師古曰踵因也

京師有南北軍

之屯至武帝平百粵內增七校

晉灼曰百官表中壘屯騎步兵越騎長水胡騎

射聲虎賁凡八校尉胡騎不常置故此言七也

外有樓船皆歲時講肄脩武備

云

師古曰肄習也音弋二反

至元帝時以貢禹議始罷角抵而未正

治兵振旅之事也古人有言天生五材民並用之

師古曰五

材金木水火土也

廢一不可誰能去兵鞭扑不可弛於家

師古曰弛

放也音式爾反

刑罰不可廢於國征伐不可偃於天下用之有

本末行之有逆順耳孔子曰工欲善其事必先利其器

師古曰論語載孔子之言

文德者帝王之利器威武者文德之輔助

也夫文之所加者深則武之所服者大德之所施者博

則威之所制者廣三代之盛至於刑錯兵寢者其本末

有序帝王之極功也

師古曰刑錯兵寢皆謂置而弗用也

昔周之法建三

典以刑邦國詰四方

師古曰詰責也音口一反字或作詰音工到反詰謹也以刑治之令

謹敎也

一曰刑新邦用輕典

師古曰新闢地立君之國其人未習於教故用輕法二

曰刑平邦用中典

師古曰永平守成之國則用中典常行之法也

三曰刑亂邦

用重典

師古曰篡殺畔逆之國化惡難移則用重法誅殺之也自此以上大司寇所職也

五刑

墨罪五百劓罪五百宮罪五百刖罪五百殺罪五百所

謂刑平邦用中典者也

師古曰墨黥也鑿其面以墨涅之劓截鼻也宮淫刑也男子割

腐婦人幽閉則斷足也殺死刑也自此以上司刑所職也劓音牛冀反刖音五刮反又音月

凡殺人

者路諸市

師古曰路謂斃之也音妨付反

墨者使守門

師古曰黥面之人不妨禁衛也

劓者使守關

師古曰以其貌毀故遠之

宮者使守內

師古曰人道既絕於事便也

劓者使守圉

師古曰驅御禽獸無足可也

完者使守積

師古曰完謂不虧其體但

者作也積聚之物也自此以上掌戮所職也

其奴男子入于罪隸

李奇曰男女徒總名

爲奴女子入舂槁

孟康曰主暴燥舂之也韋昭曰舂舂人槁槁人也給此二官之役師古曰槁音

古老反

凡有爵者與七十者與未亂者皆不爲奴

師古曰有爵謂

命士以上也亂毀齒男子八歲女子七歲而毀齒矣自此以上司厲所職也

周道既衰穆王

眚荒命甫侯度時作刑以詰四方

師古曰穆王昭王之子也享國既百年而

王眚亂荒忽乃命甫侯爲司寇商度時宜而作刑之墨制以治四方也甫國名也眚音莫報反度音大各反

罰之屬千剝罰之屬千髡罰之屬五百宮罰之屬三百

大辟之罰其屬二百

師古曰髡罰去膝頭骨大辟死刑也髡音頻忍反

五刑之

屬三千

師古曰五者之刑凡三千

蓋多於平邦中典五百章所謂刑

亂邦用重典者也春秋之時王道寢壞

師古曰寢漸也

教化不

行子產相鄭而鑄刑書

師古曰子產鄭大夫公孫僑也鑄刑法於鼎事在昭六年

晉

叔嚮非之曰

師古曰叔嚮晉大夫羊舌肸也遺其書以非之嚮音許兩反

昔先王議

事以制不爲刑辟

李奇曰先議其犯事議定然後乃斷其罪不爲一成之刑著於鼎也師古

曰虞舜則象以典刑流宥五刑周禮則三典五刑以詰邦國非不豫設但弗宣露使人知之

懼民之

有爭心也猶不可禁禦是故閑之以誼糾之以政

師古曰閑

防也糾舉也

行之以禮守之以信奉之以仁

師古曰奉養也

制爲祿

位以勸其從

師古曰勸其從教之心也

嚴斷刑罰以威其淫

師古曰淫放也

懼其未也故誨之以忠慍之以行

晉灼曰慍古誨字也師古曰慍謂辭也又

音所項反

教之以務

師古曰時所急

使之以和

師古曰悅以使人也

臨之以敬

莅之以彊

師古曰莅謂監視也

斷之以剛猶求聖哲之上明察之

官忠信之長慈惠之師

師古曰上謂公侯也官卿佐也長師皆列職之首也

民於

是乎可任使也而不生禍亂民知有辟則不忌於上並

有爭心以徵於書而徵幸以成之弗可爲矣

師古曰辟法也爲治

也權移於法故人不畏上因危文以生詐妄徵幸而成巧則弗可治也

夏有亂政而作禹

刑商有亂政而作湯刑周有亂政而作九刑

韋昭曰謂正刑五及

流贖鞭扑也

三辟之興皆叔世也

師古曰叔世言晚時也

今吾子相鄭

國制參辟鑄刑書

孟康曰謂夏殷周亂政所制三辟也

將以靖民不亦難

乎

師古曰靖安也一曰治也

詩曰儀式刑文王之德日靖四方

師古曰周

頌我將之詩也言法象文王之德以爲儀式則四方日以安靖也

又曰儀刑文王萬邦

作孚

師古曰大雅文王詩也孚信也又言法象文王則萬國皆信順也

如是何辟之有



師古曰若詩所言不宜制刑辟

民知爭端矣將棄禮而徵於書

師古曰取證於

刑錐刀之末將盡爭之

師古曰喻微細

亂獄滋豐貨賂並行

師古

曰滋益也

終子之世鄭其敗庠子產報曰若吾子之言僞不

材不能及子孫吾以救世也

師古曰言雖非長久之法且救當時之敝

喻薄

之政自是滋矣孔子傷之曰導之以德齊之以禮有恥

且格導之以政齊之以刑民免而無恥

師古曰論語載孔子之言也格

正也言用德禮則人有耻而自正尚政刑則下苟免而無耻

禮樂不興則刑罰不中

刑罰不中則民無所錯手足

師古曰亦論語載孔子之言也禮以治人樂以易俗

二者不興則刑罰濫矣錯置也

孟氏使陽膚爲士師

師古曰亦論語所載陽膚曾子弟子

也士師獄官

問於曾子

師古曰問何以居此職也

亦曰上失其道民散久

矣如得其情則哀矜而勿喜

師古曰此曾子答辭言民俗流離輕犯於法乃由上

失其道非下之過今汝雖得獄情當哀矜之勿自喜也○宋祁曰自喜姚本刪自字

陵夷至於戰

國韓任申子秦用商鞅連相坐之法造參夷之誅

師古曰參

夷夷三族增加肉刑大辟有鑿顛抽脅鑊亨之刑

師古曰鼎大而無足

曰鑊以鬻人也

至於秦始皇兼吞戰國遂毀先王之法滅禮誼

之官專任刑罰躬操文墨

師古曰躬身也操執持也音千高反

晝斷獄夜

理書自程決事日縣石之一

服虔曰縣稱也石百二十斤也始皇省讀文書日以

百二十斤爲程

而姦邪並生赭衣塞路圜圉成市天下愁怨潰

而叛之漢興高祖初入關約法三章曰殺人者死傷人

及盜抵罪蠲削煩苛兆民大說

師古曰說讀曰悅

其後四夷未

附兵革未息三章之法不足以禦姦

師古曰禦止也

於是相國

蕭何據撫秦法

師古曰據撫謂收拾也據音九問反撫音之石反

取其宜於時

者作律九章當孝惠高后時百姓新免毒蠱人欲長幼

養老

師古曰養音呼各反

蕭曹爲相填以無爲

師古曰言以無爲之法填安百姓也

填音竹  
刃反

從民之欲而不擾亂是以衣食滋殖刑罰用稀

及孝文即位躬脩玄默勸趣農桑減省租賦而將相皆

舊功臣少文多質懲惡亡秦之政論議務在寬厚恥言

人之過失化行天下告訐之俗易

師古曰訐面相斥  
罪也音居謁反

吏

安其官民樂其業畜積歲增戶口寢息

師古曰畜讀曰  
蓄寢益也息生

也風流篤厚禁罔疏闊選張釋之為廷尉罪疑者予民

師古曰  
從輕斷

是以刑罰大省至於斷獄四百

師古曰謂普天  
之下重罪者也

有刑錯之風即位十三年齊太倉令淳于公有罪當刑

詔獄逮繫長安

師古曰逮及也辭之所及則追捕之故謂之逮一曰逮者在道將送防禦不絕

若今之傳送囚也

淳于公無男有五女當行會逮罵其女曰生

子不生男緩急非有益也

○宋祁曰姚本益也刪去也字

其少女緹縈

自傷悲泣

師古曰緹縈女名也緹音他弟反

廼隨其父至長安上書曰

妾父爲吏齊中皆稱其廉平今坐法當刑妾傷夫死者

不可復生刑者不可復屬

師古曰屬聯也音之欲反

雖後欲改過自

新其道亡繇也

師古曰繇讀與由同由從也

妾願沒入爲官婢以贖

父刑罪使得自新書奏天子

○朱子文曰於文書奏下多天子二字前曰上書非

上於天子而何後曰書奏非奏于天子而天子憐悲其何若曰書奏天子憐悲其意文字直而美

意遂下令曰制詔御史蓋聞有虞氏之時畫衣冠異章

服以爲戮而民弗犯何治之至也今法有肉刑三

孟康曰黥

劓二刑左右趾合一凡三也。宋祁曰姚本二刑刪去刑字

而姦不止其咎安在非

乃朕德之薄而教不明與

師古曰與讀曰歟

吾甚自愧故夫訓

道不純而愚民陷焉

師古曰道讀曰尊

詩曰愷弟君子民之父

母

師古曰大雅泂酌之詩也言君子有和樂易簡之德則其下尊之如父親之如母也

今人有過

教未施而刑已加焉或欲改行爲善而道亡繇至

師古曰繇

讀與由同

朕甚憐之夫刑至斷支體刻肌膚終身不息

師古曰息

生也何其刑之痛而不德也豈稱爲民父母之意哉其除

肉刑有以易之及令罪人各以輕重不亡逃有年而免

孟康曰其不亡逃者滿其年數得免爲庶人

具爲令

師古曰使更爲條制

丞相張蒼御

史大夫馮敬奏言肉刑所以禁姦所由來者久矣陛下

下明詔憐萬民之一有過被刑者終身不息及罪人欲

改行爲善而道亡繇至於盛德臣等所不及也臣謹議

請定律曰諸當完者完爲城旦舂

臣瓚曰文帝除肉刑皆有以易之故以完

易髡以笞代劓以鉗左右止代刑今既曰完矣不復云以完代完也此當言髡者完也○宋祁曰代刑姚本改作代

當黥者髡鉗爲城旦春當劓者笞三百當斬左止

者笞五百當斬右止及殺人先自告及吏坐受賕枉法

守縣官財物而即盜之已論命復有笞罪者皆棄市

李奇

曰命逃亡也復於論命中有罪也晉灼曰命者名也成其罪也師古曰止足也當斬右足者以其臯次重故從棄市也殺人先自告謂殺人而自首得免罪者也吏受賕枉法謂曲公法而受賂者也守縣官財物而即盜之即今律所謂主守自盜者也殺人害重受賕盜物贓汙之身故此三罪已被論名而又犯笞亦皆棄市也今流俗書本笞三百笞五百之上及劓者之下有籍笞字復有笞罪亦云復有籍笞罪皆後人妄加耳舊本無也



罪人獄已決完爲城旦春滿三歲爲鬼薪白粲鬼薪白

粲一歲爲隸臣妾隸臣妾一歲免爲庶人

師古曰男子爲隸臣女子

爲隸妾鬼薪白粲滿三歲爲隸臣隸臣一歲免爲庶人隸妾亦然也

隸臣妾滿二歲爲司

寇司寇一歲及作如司寇二歲皆免爲庶人

如淳曰罪降爲司寇

故一歲正司寇故二歲也

其亡逃及有罪耐以上不用此令

師古曰於本罪

中又重犯者也○宋祁曰罪耐姚本作耐罪

前令之刑城旦春歲而非禁錮

者如完爲城旦春歲數以免

李奇曰謂文帝作此令之前有刑者○宋祁曰如完

姚本刪如字

臣昧死請制曰可是後外有輕刑之名內實殺

人斬右止者又當死斬左止者笞五百當劓者笞三百

率多死

師古曰斬右止者棄市故入於死以笞五百代斬左止笞三百代劓笞數既多亦不活也○宋

祁曰姚本改

景帝元年下詔曰加笞與重罪無異

孟康曰重

入於作人多

幸而不死不可爲人

師古曰謂不能自起居也

其定律笞五百

罪謂死刑

曰三百笞三百曰二百猶尚不全至中六年又下詔曰

加笞者或至死而笞未畢朕甚憐之其減笞三百曰二

百笞二百曰一百又曰笞者所以教之也其定箠令

師古

曰箠策也所以擊者也音止築反

丞相劉舍御史大夫衛綰請笞者箠

長五尺其本大一寸其竹也末薄半寸皆平其節當答

者答臀

如淳曰然則先時答背也師古曰臀音徒門反

毋得更人

師古曰謂行答者不更易

人也畢一罪乃更人自是答者得全然酷吏猶以爲威死

刑既重而生刑又輕民易犯之及至孝武即位外事四

夷之功內盛耳目之好徵發煩數百姓貧耗

師古曰耗損也音呼

列反窮民犯法酷吏擊斷姦軌不勝於是招進張湯趙禹

之屬條定法令作見知故縱監臨部主之法

師古曰見知人犯法

不舉告爲故縱而所監臨部主有罪并連坐也緩深故之罪

孟康曰孝武欲急刑吏深害及故入

人罪者  
皆寬緩

急縱出之誅

師古曰史釋罪人疑以爲縱出則急誅之亦言尚酷

其後姦

猾巧法轉相比況禁罔寢密

師古曰寢漸也其下亦同

律令凡三百

五十九章大辟四百九條千八百八十二事死罪決事

比萬三千四百七十二事

師古曰比以例相比況也

文書盈於几閣

典者不能徧睹是以郡國承用者駁

師古曰不曉其指用意不同也或

罪同而論異姦吏因緣爲市

師古曰弄法而受財若市買之交易

所欲活

則傳生議所欲陷則予死比

師古曰傳讀曰附

議者咸冤傷之

宣帝自在閭閻而知其若此及即尊位廷史路溫舒上

疏言秦有十失其一尚存治獄之吏是也語在溫舒傳

上深愍焉廼下詔曰間者吏用法巧文寢深是朕之不

德也夫決獄不當使有罪與邪不辜蒙戮

晉灼曰當重而輕使有罪

者起邪惡之心也師古曰有罪者更興邪惡無辜者反陷重刑是決獄不平故

父子悲恨朕甚

傷之今遣廷史與郡鞠獄任輕祿薄

如淳曰廷史廷尉史也以囚辭決獄

事爲鞠謂疑獄也李奇曰鞠窮也獄事窮竟也師古曰李說是也

其爲置廷平秩六百

石員四人其務平之以稱朕意於是選于定國爲廷尉

求明察寬恕黃霸等以爲廷平李秋後請讞時上常幸

宣室齋居而決事

如淳曰宣室布政教之室也重用刑故齋戒以決事晉灼曰未央宮中有

宣室殿師古曰賈誼傳亦云受釐坐宣室蓋其殿在前殿之側也齋則居之

獄刑號爲平矣

時涿郡太守鄭昌上疏言聖王置諫爭之臣者非以崇

德防逸豫之生也立法明刑者非以爲治救衰亂之起

也今明主躬垂明聽雖不置廷平獄將自正若開後嗣

不若刪定律令

師古曰刪刊也有不便者則刊而除之

律令一定愚民知

所避姦吏無所弄矣今不正其本而置廷平以理其末

也政衰聽怠則廷平將招權而爲亂首矣

蘇林曰招音翹翹舉也猶

賈弄也孟康曰招求也招致權著已也師古曰孟說是也宣帝未及脩正至元帝初

立廼下詔曰夫法令者所以抑暴扶弱欲其難犯而易

避也今律令煩多而不約自典文者不能分明而欲羅

元元之不逮

師古曰羅網也不逮言意識所不及

斯豈刑中之意哉

師古曰中

當也其議律令可蠲除輕減者條奏唯在便安萬姓而已

至成帝河平中復下詔曰甫刑云五刑之屬三千大辟

之罰其屬二百

師古曰甫刑即周書呂刑初爲呂侯號曰呂刑後爲甫侯又稱甫刑

今大

辟之刑千有餘條律令煩多百有餘萬言竒請它比日

以益滋

師古曰奇請謂常文之外主者別有所請以定罪也它比謂引它類以比附之稍增律條也奇

音居宜反

自明習者不知所由

師古曰由從也

欲以曉喻衆庶不亦

難乎於以羅元元之民天絕亡辜豈不哀哉其與中二

千石二千石博士及明習律令者議減死刑及可蠲除

約省者令較然易知條奏書不云乎惟刑之恤哉

師古曰虞

書舜典之詞恤憂也言當憂刑也

其審核之務準古法

師古曰核究其實也

朕將

盡心覽焉有司無仲山父將明之材

師古曰有司以下史家之言也大雅

蒸民之詩曰肅肅王命仲山父將之邦國若否仲山父明之將行也否不善也言王有誥命則仲山父行之邦



國有不善之事則仲山父明之不能因時廣宣主恩建  
故引以爲美傷今不能然也

立明制爲一代之法而徒鈎撫微細毛舉數事以塞詔

而已

師古曰毛舉言舉毫毛之  
事輕小之甚塞猶當者也

是以大議不立遂以至

今議者或曰法難數變此庸人不達疑塞治道聖智之

所常患者也

師古曰塞  
謂不通也

故略舉漢興以來法令稍定而

合古便今者漢興之初雖有約法三章網漏吞舟之魚

師古曰言疏闊

吞舟謂大魚也

然其大辟尚有夷三族之令令曰當三

族者皆先黥劓斬左右趾笞殺之梟其首置其骨肉於

市

師古曰菹謂醢也菹音側於反

其誹謗詈詛者又先斷舌故謂之具

五刑彭越韓信之屬皆受此誅至高后元年乃除三族

罪祇言令孝文二年又詔丞相太尉御史法者治之正

所以禁暴而衛善人也今犯法者已論而使無罪之父

母妻子同產坐之及收朕甚弗取其議左右丞相周勃

陳平奏言父母妻子同產相坐及收所以累其心使重

犯法也

師古曰重難也累音力瑞反

收之之道所由來久矣臣之愚

計以爲如其故便文帝復曰朕聞之法正則民慙罪當

則民從

師古曰慈謹也音邱角反

且夫牧民而道之以善者吏也

師古

曰道讀曰導以善導之也

既不能道又以不正之法罪之是法反害

於民爲暴者也

師古曰法害於人是法爲暴

朕未見其便宜孰計之

平勃乃曰陛下幸加大惠於天下使有罪不收無罪不

相坐甚盛德臣等所不及也臣等謹奉詔盡除收律相

坐法其後新垣平謀爲逆復行三族之誅由是言之風

俗移易人性相近而習相遠信矣

師古曰論語云孔子曰性相近習相遠也

言人同稟五常之性其所取舍本相近也但所習各異漸漬而移則相遠也

夫以孝文之仁

平勃之知猶有過刑謬論如此甚也而況庸材溺於末

流者乎周官有五聽八議三刺三宥三赦之法

師古曰刺殺也

訊而有罪則殺之也宥寬也赦舍也謂釋置也

五聽一曰辭聽

師古曰觀其出言不直則煩

二曰色聽

師古曰觀其顏色不直則變

三曰氣聽

師古曰觀其氣息不直則喘

四

曰耳聽

師古曰觀其聽聆不直則惑

五曰目聽

師古曰觀其瞻視不直則亂

八議

一曰議親

師古曰王之親族也

二曰議故

師古曰王之故舊也

三曰議賢

師古

曰有德行者也

四曰議能

師古曰有道藝者

五曰議功

師古曰有大勲力者

六曰

議貴

師古曰爵位高者也

七曰議勤

師古曰謂盡悴事國者也

八曰議賓

師古曰謂

前代之後王所不臣者也自五  
聽以下至此皆小司寇所職也

三刺一曰訊羣臣二曰

訊羣吏三曰訊萬民

師古曰訊問也音信

三宥一曰弗識二曰過

失三曰遺忘

師古曰弗識不審也過失非意也遺忘忽忘也

三赦一曰幼弱二

曰老眊三曰憊愚

師古曰幼弱謂七歲以下老眊謂八十以上憊愚生而癡騃者自三刺以

下至此皆司刺所職也眊讀與耄同憊音丑江反一音貞巷反

凡囚上罪桎拳而桎中

罪桎桎下罪桎王之同族拳有爵者桎以待弊

師古曰械在手

曰桎兩手同械曰拳在足曰桎弊斷罪也自此以上掌囚所職也桎音古篤反拳即拱字也桎音之曰反弊音

蔽高皇帝七年制詔御史獄之疑者吏或不敢決有罪

者久而不論無罪久繫不決自今以來縣道官獄疑者

各讞所屬二千石官二千石官以其罪名當報之

師古曰當

謂處斷也

所不能決者皆移廷尉廷尉亦當報之廷尉所不

能決謹具爲奏傳所當比律令以聞

師古曰傳讀曰附

上恩如

此吏猶不能奉宣故孝景中五年復下詔曰諸獄疑雖  
文致於法而於人心不厭者輒讞之其後獄吏復避微  
文遂其愚心至後元年又下詔曰獄重事也人有愚智  
官有上下獄疑者讞有令讞者已報讞而後不當讞者

不爲失

師古曰解並在景紀

自此之後獄刑益詳近於五聽三宥

之意三年復下詔曰高年老長人所尊敬也鰥寡不屬

逮者人所哀憐也

師古曰屬音之欲反

其著今年八十以上八歲

以下及孕者未乳

師古曰乳產也音人喻反

師朱儒

如淳曰師樂師音瞽者朱儒短

人不能走者

當鞠繫者頌繫之

師古曰頌讀曰容容寬容之不桎梏

至孝宣元

康四年又下詔曰朕念夫耆老之人髮齒墮落血氣既

衰亦無暴逆之心今或懼于文法執于囹圄不得終其

年命朕甚憐之自今以來諸年八十非誣告殺傷人它

皆勿坐至成帝鴻嘉元年定今年未滿七歲賊鬪殺人  
及犯殊死者上請廷尉以聞得減死合於三赦幼弱老  
眊之人此皆法令稍定近古而便民者也

師古曰近孔音其靳反

子曰如有王者必世而後仁善人爲國百年可以勝殘

去殺矣

師古曰論語載孔子之言此謂若有受命之王必三十年仁政乃成也勝殘謂勝殘暴之人使人

不爲惡去殺不行殺戮也

言聖王承衰撥亂而起被民以德教

師古曰被

加也音皮義反

變而化之必世然後仁道成焉至於善人不入

於室然猶百年勝殘去殺矣

師古曰論語稱子張問善人之道子曰不踐迹亦不



入於室言善人不但修踐舊迹而已此爲國者之程式  
固少自創制然亦不能入聖人之室

也今漢道至盛歷世二百餘載師古曰今謂撰志時考自昭宣元

成哀平六世之間斷獄殊死率歲千餘口而一人如淳曰率

天下犯罪者千口而有一人死耐罪上至右止三倍有餘李奇曰耐從司寇以上至

右止爲千口三人刑古人有言滿堂而飲酒有一人鄉隅而悲泣

師古曰鄉讀曰嚮則一堂皆爲之不樂王者之於天下譬猶一

堂之上也故一人不得其平爲之悽愴於心今郡國被  
刑而死者歲以萬數天下獄二千餘所其寃死者多少

相覆獄不減一人此和氣所以未洽者也原獄刑所以

蕃若此者

師古曰蕃多也音扶元反

禮教不立刑法不明民多貧窮

豪桀務私姦不輒得獄犴不平之所致也

服虔曰鄉亭之獄曰犴臣

瓚曰獄岸獄訟也師古曰小雅小

宛之詩云宜岸宜獄瓚說是也書云伯夷降典懲民

惟刑

師古曰周書甫刑之辭也懲知也言伯夷下禮法以道人人習知禮然後用刑也

言制禮

以止刑猶隄之防溢水也今隄防陵遲禮制未立死刑

過制生刑易犯饑寒並至窮斯濫溢豪桀擅私爲之囊

橐

師古曰有底曰囊無底曰橐言容隱姦邪若囊橐之盛物

姦有所隱則狃而寢廣

師古曰狽串習也寢漸也狽音女救反

此刑之所以蕃也孔子曰古之知

法者能省刑本也今之知法者不失有罪末矣

師古曰省謂減

除之絕於未然故曰本也不失有罪事止聽訟所以爲末

又曰今之聽獄者求所以

殺之古之聽獄者求所以生之與其殺不辜寧失有罪

今之獄吏上下相驅以刻爲明深者獲功名平者多後

患諺曰鬻棺者欲歲之疫

師古曰鬻賣也疫厲病也鬻音育疫音役

非憎人

欲殺之利在於人死也今治獄吏欲陷害人亦猶此矣凡此五疾獄刑所以尤多者也自建武永平民亦新免

兵革之禍人有樂生之慮

○朱子文曰既云新免兵革之禍當曰人有樂生之意意

慮字相去不遠此傳寫之誤也

與高惠之間同而政在抑彊扶弱朝無

威福之臣邑無豪桀之俠以口率計斷獄少於成哀之

間什八可謂清矣

師古曰十少其八也

然而未能稱意比隆於古

者以其疾未盡除而刑本不正善乎孫卿之論刑也曰

世俗之爲說者以爲治古者無肉刑

師古曰治古謂上古至治之時也治

音丈

有象刑墨黥之屬非履赭衣而不純

師古曰菲草履也純緣也

吏反

衣不加緣示有恥也菲音扶味反純音之允反

是不然矣以爲治古則人莫觸

罪邪豈獨無肉刑哉亦不待象刑矣

師古曰人不犯法則象刑無所施也

以爲人或觸罪矣而直輕其刑是殺人者不死而傷人者不刑也罪至重而刑至輕民無所畏亂莫大焉凡制刑之本將以禁暴惡且懲其末也

師古曰懲止也

殺人者不死

傷人者不刑是惠暴而寬惡也故象刑非生於治古方

起於亂今也

如淳曰古無象刑也所有象刑之言者近起今人惡刑之重故遂推言古之聖君但

以象刑天下自治

凡爵列官職賞慶刑罰皆以類相從者也一

物失稱亂之端也

師古曰稱宜也音尺孕反

德不稱位能不稱官賞

不當功刑不當罪不祥莫大焉夫征暴誅悖治之威也

殺人者死傷人者刑是百王之所同也未有知其所由

來者也故治則刑重亂則刑輕

李奇曰世所以治者乃刑重也所以亂者乃刑

輕也犯治之罪固重犯亂之罪固輕也書云刑罰世重世

輕此之謂也

師古曰周書甫刑之辭也言刑罰輕重各隨其時

所謂象刑惟明

者言象天道而作刑

師古曰虞書益稷曰咎繇方祗厥叙方施象刑惟明言敬其次叙施

其法刑皆明白也

安有菲屨赭衣者哉孫卿之言既然又因俗

說而論之曰禹承堯舜之後自以德衰而制肉刑湯武

順而行之者以俗薄於唐虞故也今漢承衰周暴秦極

敝之流俗已薄於三代而行堯舜之刑是猶以戰而御

駢突

孟康曰以繩縛馬口謂之戰晉灼曰戰古羈字也如淳曰駢音捍突惡馬也師古曰馬絡頭曰羈也

違救時之宜矣且除肉刑者本欲以全民也今去髡鉗

一等轉而入於大辟以死罔民失本惠矣

師古曰罔謂羅網也

故

死者歲以萬數刑重之所致也至乎穿窬之盜忿怒傷

人男女淫佚吏爲姦臧

師古曰佚讀與逸同

若此之惡髡鉗之罰

又不足以懲也故刑者歲十萬數民既不畏又曾不恥

刑輕之所生也故俗之能吏公以殺盜爲威專殺者勝

任奉法者不治亂名傷制不可勝條是以罔密而姦不

塞刑蕃而民愈嫚

師古曰塞止也蕃多也音扶元反嫚與慢同

必世而未仁

百年而不勝殘誠以禮樂闕而刑不正也豈宜惟思所

以清原正本之論刪定律令纂二百章以應大辟

孟康曰纂

音撰其餘罪次於古當生今觸死者皆可募行肉刑

李奇曰欲

死邪欲

及傷人與盜吏受賕枉法男女淫亂皆復古刑

腐邪

爲三千章詆欺文致微細之法悉蠲除

師古曰詆謂誣也音丁禮反



如此則刑可畏而禁易避吏不專殺法無二門輕重當

罪民命得全合刑罰之中殷天人之和

李奇曰殷亦中

順稽古

之制成時雍之化成康刑錯雖未可致孝文斷獄庶幾

可及詩云宜民宜人受祿于天

師古曰大雅假樂之詩也蓋嘉成王之德云

書曰立功立事可以永年

師古曰今文泰誓之辭也永長也

言爲政而

宜於民者功成事立則受天祿而永年命所謂一人有

慶萬民賴之者也

師古曰呂刑之辭也一人天子也言天子用刑詳審有福慶之惠則衆庶

咸賴之也

前漢書卷二十三

前漢書卷二十三考證

刑法志春振旅以搜○搜周禮及左傳原文俱作蒐  
穆王眊荒命甫侯○眊古文尚書作耄甫侯作呂侯  
黠罰之屬五百○臣召南按黠呂刑作剕周禮司刑亦

作剕

懞之以行注懞古竦字也○按左傳作聳之以行

宣帝未及脩正○正監本訛政今改

伯夷降典慈民惟刑注慈知也○臣召南

按古文尚書

作慙民惟刑孔傳以斷字解之陸德明釋文曰折馬  
鄭王皆音慙馬云智也東京古文未行諸儒惟以今  
文爲本故注從馬說

所謂象刑惟明者○象刑監本訛蒙刑今改正

前漢書卷二十三考證

謹案卷二十二第四頁後四行故其議遂寢刊本  
遂訛遂今改

第十五頁前七行房中祠樂刊本祠訛洞今改

第三十三頁前六行水之曲隅刊本隅訛偶今改

第三十四頁後五行山出象輿刊本山訛出今改

卷二十三第四頁前三行斥鹵鹵之地刊本斥訛

兵今改

第五頁後五行寢以陵夷刊本寢訛寢今改

第九頁後八行遂射之子刊本遂訛遂据左傳改  
第十三頁前八行民知有辟刊本知訛之据左傳

改

第十五頁後四行訐面相斥罪也刊本面訛而今

改

第十六頁前一行詔獄逮繫長安刊本詔訛防据

監本改

第十八頁後一行斬右止者刊本右訛若今改

第十九頁後六行若市買之交易刊本交訛文今  
改

第二十八頁後六行咎繇方祗厥叙刊本繇訛縣  
今改

第二十九頁前三行馬絡頭曰羈也刊本絡訛駱  
今改







總校官庶吉士 臣 張能照

校對官檢討 臣 盧 應

謄錄舉人 臣 韓 騰